



07686

西河合集

蕭山毛奇齡

字儼齋
有素九稿

榮叔與通... 鮑同賢與升較

蠻司合誌

四

者繼榮羅雄土官也父濟為知州見營長妻美殺營

長奪之生繼榮十四歲即持刃逐殺濟大驚欲置

繼榮死終以其母故不忍假為就學鋼他室實囚禁

之隆慶中濟老無子乃釋繼榮出使替職繼榮據州

遂逐父父訴之鎮撫鎮撫救繼榮迎濟濟歸繼榮陽

蠻司合誌十一

事之實則囚禁如他日囚已狀且別囚其嫡母隆氏

而遍悉父妾有沙氏者不肯從經死濟密遣土目者

希訴鎮撫繼榮覺殺者希會萬歷九年大調羅雄兵

征緬繼榮將行恐留濟為難遂弑濟時需益土知州

安世鼎世絕其妻安素儀典州事亦提兵赴調繼榮

見素儀大悅遂請合兵宿其營姦之且陰倚需益兵

力得自助而越州土舍海現其寡嫂資氏有殊色繼

榮夙與通至是出師即頓兵其家縱淫至數夕方去

知州越應不憤甚自兵備謀匿兵資氏擗擒繼榮繼

榮脫走繼榮自以為不容于眾且陰恃兵力遂聚黨

占隣土不輸跼馬強淫諸夷婦無道先是繼榮生時有異徵及生廣額大鼻雙目如鳳兩手垂過膝嘗曰吾以此三肘揮斥天下足矣至是妖僧王道妖道楊五郎見繼榮貌大奇請依繼榮繼榮喜過望乃鍊丁甲祠鬼殺處妾釁旗鼓號為神兵且闢場演戰象募諸士兵別檄馬十古獐諸部諸部多應者獨水西隆有義本繼榮外家長禍且恨繼榮因母隆氏不應當是時臨安普安臨元諸兵備統士兵甚嚴而巡撫劉世曾巡按李廷彥竝移檄諸道防不測繼榮乃以阿東阿古李志明等各提兵健法郎偏頭龍甸羊街

子諸處攻破陡坡鴨子塘六涼斬土舍沙東土婦資氏奪其軍築石城于赤龍山寨高插天廣六十里建龍樓鳳閣于其中而圍以羣寨其下有龍潭九口險不可越料諸軍妻若子盡質寨上繼榮警蹕樹黃纛茄次日幸羣寨淫諸軍妻諸軍妻無敢抗者十三年巡撫世曾遣副使程正誼僉事鄭璧為將軍調諸土兵寧州祿華諧嚼峨六志貞師宗隴勝水西隆有義雷益安紹慶越州資氏尋甸木遇春路南番騰雲泰世文新化普同春武定僕世功亦佐沙騰蛟令裨將劉純萬整劉紹理郭九疇李延之等統之竝馳普鮓

必六軍請給必六等冠帶旌其功而後治倭以失守之罪時臨安兵備文作曲靖兵備金從洋知其詐請興兵討賊都御史劉世曾止之即日給冠帶然祇給必六電速二人使諸賊自猜忌於是購士囚丘文奎諸瓊風必六入謝必六遣阿吉詣軍門世曾厚資之必六喜乃與文奎宴文奎密飲諸監門值天大風雪寒甚令倭易夷服匿諸瓊家夜出走江上江上軍伺援者皆夜至衛倭間道至曲靖而世曾已預遣副將李存忠叅將蔡兆吉守備張先聲等統寧州越州木西霑益尋甸亦佐諸土兵及馬蓬古猱沙夷攻大莊

備司合誌卷十一

四

寨破之斬必六阿五得生擒阿束阿卓等攻都宜二硬寨破之生擒方俗阿恕者洗等攻阿那至大箐還擊自硬普拖破之斬阿擺等攻色屋阿野迤西七黑安革木外破之斬阿菓等其捕獲生口及斬級俘鹵牛馬器械無算上賜沐昌祚文作及土官祿華誥等世曾先有諭賜告於是改羅雄州爲羅平調維摩州黃宇以同知行羅平事何倭視維摩

順寧與大候接壤皆蒲蠻也順寧土知府猛氏大候土知州奉氏世爲婚姻萬歷中順寧猛廷瑞與兄猛思賢爭襲相攻殺而大候奉赦奉學兄弟亦然學嘗

與赦分州治各設官著稱上下二衙雖赦居上衙學
居下衙顧相抗無次第有司雖知之亦不問而廷瑞
者奉學壻也二十五年廷瑞與兵攻思賢奉學助之
巡撫陳用賓疏請征勦而以僉事李先著叅將吳顯
忠統兵攻城擣其寨廷瑞急請降先著不許令擒奉
學自贖廷瑞乘間遁觀音山顯忠追及之連破數寨
斬奉學于陣而執廷瑞送軍門誅之事聞改設順寧
上官爲流官知府而改大候州爲雲州設流官知州
併坐先著縱賊罪論死未幾順寧猛麻與奉赦子奉
光奉學子奉恭請復上職統交堵十三寨莽抗等復
搆兵叛二十八年用賓復遣顯忠調土漢兵征之未
幾平

卷十一
總司合誌

五

孟定舊名景麻洪武十五年置孟定府正統間知府
刁祿孟爲麓川所侵遠徙他部會木那舍日罕葛以
從征功靖遠伯王驥令斃食其地嘉靖間木那罕烈
侵孟定奪知府印私令舍人罕慶斃食之是爲耿馬
萬曆十二年官軍克耿馬復以罕葛之後罕合爲知
府十五年始給新印合死了榮襲榮死了貴襲崇禎
末孟定屬緬甸明亡末明爲將李定國索末明于緬
駐兵孟定合元江土兵攻孟良兼與緬戰而孟定以

畏緝不少助定國乃徙去

臨安阿逃州普覺木東山營長官德中以東山多寇
設巡檢司命普覺爲巡檢給以印旣而以他事坐廢
正德二年巡撫吳文度奏廣西維摩王弄山與阿逃
接壤盜出沒仍令普覺後普納復繼前職給以冠帶
然或設或廢無定制至天啟中有普名昇者爲馬者
哨哨頭奢安之亂每奉調從征有功巡按傅宗龍題
授阿逃土知州旣而驕甚崇禎五年御史趙洪範按
臨安名昇不出迎已出戈甲旗幟列數里洪範大怒
誅巡撫王伉列奏請檄川貴兵會討黔鎮商士傑布

欽定四庫全書

六

政周士昌擊名昇敗之進圍阿逃明昇恐陽使人約
降而陰以重賄誘吾必奎

吾必奎者元謀士知縣也其先吾氏襲知縣以罪久
廢必奎征奢安論功復官與沙源普名昇結納名昇
被圍使謂必奎曰君不聞狐死兔悲之語乎阿逃不
行及元謀矣必奎然之時必奎在調中先登與名昇
接戰陽敗走官軍辟易遂大潰士昌轉戰死事聞兵
部熊明遇責伉起孽與洪範俱被逮名昇就撫然驕
恣益甚會總督朱燾元自貴至懾之以威不敢動燾
元去跋扈如故廣西知府張繼孟甫到官昌言曰名

昇人傑顧守法人自疑之耳為牒移臨安道經阿逃
從來移牒過阿逃名昇必拆觀繼孟故為獎勵語謂
名昇可大用不宜過激名昇大喜欲一見繼孟會繼
孟謁兵備使赴臨安名昇陰遣人道候繼孟繼孟預
戒從者至阿逃當訪知州去及至熟睡不得請遂踰
州治繼孟怒立榜從者各嗟曰此行甚急當速赴而
州公又必欲會如何乃先置驛騎使之俟而獨以數
騎回阿逃名昇使還已聞繼孟榜從者狀及見繼孟
乃大喜過望跪起迎坐方進茶繼孟謂曰聞公善毒
人果否名昇大驚曰如公者方恨殺身無以報何為

續司合誌

七

是言易甌請先嚼遂從繼孟手取甌仰而盡繼孟
遂告別名昇苦留之不得曰兵備有事急俟回痛飲
未晚也繼孟疾馳凡三易馬至臨安而名昇追騎將
及遽入城免是時名昇死以名昇易甌時繼孟已攜
毒匙間而名昇不知也已而必奎聚眾反連陷武定
祿豐楚雄諸州縣時寧州土知州祿未命石屏州土
目龍在田俱與必奎名昇及沙源從征著名而二人
者曾奉調至襄陽從總理熊文燦擊破流賊革里眼
射塌天于雙溝文燦留軍前殺賊文燦敗二人乃罷
歸至是黔國公沐天波檄之統上兵會剿遂擒必奎

當是時名昇妻萬氏本江西寄籍女也狡而淫據其衆役使諸小夷選部下壯而美者更番侍帳中會沙源與名昇往來其子沙定海定漢定洲三人者皆與萬通萬欲於沙氏兄弟中擇其一爲贅婿而嫌定海稚魯駕言鬪其兄弟名曰天定而明配定洲因飲定海酒醜之名昇有子曰服遠耻萬所爲與萬分寨居定洲并竊殺服遠而併其地時張獻忠已陷蜀定洲思據滇值必奎之變定洲赴調既至而必奎已擒定洲遂稱亂

方定洲之赴調也沐天波實主之定洲怨言曰何爲

續司合誌卷十一

入

役我僉奸人饒希之余錫朋遣天波金無以償錫朋常入土司營誇天波家富定洲心動陰結都司阮韻嘉張國用袁士弘爲內應以十二月朔入城辭行天波以家忌未出見定洲率衆謀而入自日焚劫天波由小竇西遁時祿未命在城方巷戰拒賊從官周鼎止天波留討賊天波疑鼎誘已殺之其母陳氏妻焦氏走城北普吉村之金井巷皆舉火自焚死定洲乃盡得沐氏所有盤踞省城劫巡撫吳兆元爲題請代天波鎮滇而執故閣臣王錫衮劄之傳檄州縣祿未命與龍在川俱引所部去萬時居阿迷聞曰吾家當

爲此賊敗矣。謀至省，執定洲投誠。旣至，見定洲陽陽
鹵簿，警蹕建旗，轟晨夕，茄鼓與王侯等，乃大喜。問天
波所在，因決策追天波。至楚雄時，楚雄爲必奎新破
金滄副使，楊畏知奉調至楚雄。楚雄留之，及見天波，
將合力計守禦，未其畏知乃曰：「公在楚，賊必以全力
聚攻，聚攻城必破，公何不西走永昌，使楚得爲備，賊
卽西追，恐楚塞其後，留攻楚，又恐公從西來，首尾牽
制上策也。」天波從之。定洲至楚雄，城閉不得入，畏知
乃遣人給之，定洲去，遣其黨王朔、李日芳等分攻大
理、蒙化，陷之，屠殺甚慘。畏知乘間撤城外居民，盡入

盤司合誌
十一

九

城。清四野，築陣，涪陞檄調上漢兵守之。定洲聞祿永
命各守固，不敢至。末昌至，是恐畏知，伐其歸路，急還。
兵攻楚雄，雖百攻不下，值畏知坐城樓，賊發巨礮擊
之，烟焰籠畏知，賊謂已死，及烟散，畏知端坐如故，因
相驚爲神。畏知伺賊間，輒出奇兵擊賊，所殺甚夥。久
之，賊引去，復東攻石屏，不下，還攻寧州。祿永命戰死。
于是迤東稍稍定，乃復攻楚雄，分兵爲七十二營，每
七營統大營一環，城圯濠爲久，困計會張獻忠死，其
義兒苟可旺率殘兵山遵義入黔，詐稱黔國焦夫人，
弟來復仇，民久苦沙亂，望其來迎之，不知爲賊也。定

于演武塲聲其罪杖之百命定國取定洲以贖罪定
國雖憾之顧相奉久無如何遂承命行初定洲歸屯
兵洱革屯與萬氏分險守且私通安南借其援以自
固會其日有陽嘉賓者迎定洲就營飲宴定國偵得
之率兵圍營凡相拒數月出降遂械定洲萬氏等數
百人盡殺之而徇定洲與萬氏剝其皮市中

西河合集

蕭山毛奇齡

字儉開
又字于稿

王培生公載
趙臺憲子卿較

蠻司合誌

一兩廣

兩廣土司其先皆槃瓠之裔

相傳高辛氏時犬戎爲亂槃瓠奮犬戎之首來

遂以女妻之槃瓠犬名

故兩江大姓尚有以槃爲氏者特其種

不其其在桂林之興安義寧柳州之融縣懷遠界者則謂之猺椎結跣足不供賦役種芋菽爲糧截筒而炊不足獵山獸續食兒時燒鐵石烙其跟蹠使不仁

蠻司合誌卷十二

輒能履茨棘枿而弗之傷其在慶遠南丹宜山及

平樂之荔浦修仁桂林之永福則謂之獐雜處谿峒

頑冥不馴卽隸版籍輸賦謂之熟獐否謂之生獐在

忻城荔波及天河南北西三鄉水順未定二長官司

尤難于向化好殺無禮元夕祭槃瓠十月朔日祭都

貝大王每祭必合樂雜進盧沙銃鼓胡盧竹笛令男

負女去查淫以爲樂或有剩女必殺之謂爲人所棄

也有曰獠者據左右兩江爲虐俗稱山獠依山而居

無尸從版籍以射生爲活推其村之豪曰卽火餘但

稱火歲首取土杯十二貯水隨辰位布列卽火者祈

焉經夕集衆觀卽寅有水而卯耗者則正月兩三月
曠有曰狝者生兩江與谷中狀若狸狒往與山獸名
野婆者爲夫婦散育茸芥間不室而處有曰狠者如
猿猴黃睛深目語啾啾不可辨能採片腦鶴頂犀角
象齒以爲業舊傳其類有飛頭繫齒花面赤視之屬
凡二十一種其曰蠻者有撫水蠻其酋皆蒙姓以毒
卉傳矢射生取鳥獸盡則他徙有西原蠻率密氏相
承別有黃氏若黃澄洞在南寧西南有廣原蠻泝鬱
江之源阻險絕蹟其在南江之外稍有稱名者曰羅
氏在宜融之西南寧之西北唐會昌中封其酋爲王

蠻司合卷十二

一

世襲爵焉大抵廣西諸屬槃徠錯居其最險者曰左
右兩江曰大藤曰六十三山曰六山曰七山屢煩征
伐而廣東則五嶺迤西蜂房蟻穴根株盤錯者十三
州縣其地里川原編幅之延袤者千有餘里而總互
聳于桂柳潯梧之間自高要南岸至新興百餘里間
有雲浮山王三坑鐵場峒官廳地黃沙巡筭行雲蕪
黎峒良峒密峒料峒林峒諸巢自新興至陽春百餘
里間有高峒雙峒崩石洞富林鳴岡黃沙小卵石梅
峒青水紅豆深掘雲青諸巢自陽春至恩平百餘里
間有牛牯突白面石磨刀水關村洗馬潭十三村諸

巢自高要江行二百里至德慶以泚水爲界下曰東山則有富祿峒柞峒上臺下臺石狗天所北涌水洄赤土歐塘柴坑東模大千火燒下埔封門大峒頭大臺尖底崩楊柳桐村茅坑荻芋塘邊苦竹根石背諸巢上曰西山則有羅旁大力石龜磊嶺埔百片大埔拱埔封門思律思遙木埔強車教馬鞍野芋下城水口龍塘古逢諸巢雖種類不一而總名程獍間有隣峒闕匿與四方亡命相依爲生者又謂之浪受撫者曰浪民否曰浪賊設營堡屯哨于德慶上下江道與高要高明四禽廣寧新興恩平泚水諸州縣間調歸

蠻司合誌
卷十二

三

順下雷東蘭那地狼兵戍之而狼兵則擇取諸狼提調編保別給田任種且耕且戍謂之狼家洪武元年左江太平府土官黃英衍右江田州府土官岑伯顏皆賫印降會廣東初平都指揮耿天璧取南安儋萬諸州遍降黎岐生熟小陽峒主汪官泰等編籍定賦改瓊州乾寧安撫司爲瓊州府而廣西則遣中書照磨繭以權齋詔往諭左右兩江溪洞官民兩江懾服會上思州黃英傑抗戰丘廣擊敗擒斬英傑及黃權等上思州平遂以廣西行省所土便宜七事設南寧柳州二衛增兵守禦而改慶遠安撫司爲慶遠府置

靖州衛命指揮劉才僉事孫惟劉福等築城戍守更以殿中侍御史尋遁爲按察司使監察御史王子敬胡子祺爲僉事且諭之曰廣西地控諸蠻民未稔化當此兵革凋傷之際恐不能撫恤又從而蠹害之因特命往司風憲而以寬裕嚴明撫輯其衆其明年田州總管黃志威招來奉議等州一百一十七寨上甚嘉之乃平柳州道村寨蠻寇韋布等弁定廣東南海肇高雷廉山寨徭蠻弁羅旁蛋戶黎岐等復以田州知府岑堅泗城州知州岑嘉忠曾率土兵捕寇遂于其地選取健丁各五千人立爲二衛以嘉忠之子振

堅之子末通爲千戶統其兵俾之守禦以備不測乃以廣西布政司領長官司三曰末安曰上林曰安隆隸兵部武選設土官一百五十七人其知府四人曰思恩曰田州曰思明曰鎮安知州三十二人曰思明曰結安曰下石西曰利曰都結曰奉議曰思誠曰上思曰龍英曰鎮安曰江曰結倫曰思同曰果化曰都康曰茗盈曰萬承曰全茗曰上下凍曰泗城曰太平曰向武曰南丹曰歸順曰安平曰忠曰思陵曰龍曰歸德曰那地曰東蘭曰上隆同知一人曰左州知縣六人曰羅白曰憑祥曰上林曰陀陵曰羅陽曰忻城

縣丞一人曰士林主簿一人曰懷遠典史二人曰桂
平曰貴巡檢十三人曰末平寨波羅里大洞三寨鎮
安平鄉理源鎮高井寨尖山鎮周冲都樂墟古江口
羅目鎮慈樂寨東鄉副巡檢九十八人曰木盤浦鎮
鉦寨白石寨單觀旺思隆鄉連城鄉武羅鄉武林鄉
辛安寨東禪鎮那龍寨大約鎮寨下市界牌鎮安城
鎮歸仁鎮古肩寨群峰寨白面寨遷隆寨西舍寨麗
壁市桑江口古堂鎮三畔鎮三門灘大寧寨龍門寨
靖寧鄉宜良鎮都博鎮新興鎮歸化鎮古清鎮廖洞
鎮江口鎮章路鎮安湘鎮樂善鎮莫離鎮武陽中峒

蠻司合志
卷十二

五

鎮通道鎮清流鎮思管鎮鵝頸隘伴江鎮西峒鎮潯
江鎮禹石鎮安末鎮縣郭鎮清水鎮李廣鎮思龍鎮
東江鎮德勝鎮大曹鎮思農鎮北蘭鎮安化鎮普義
鎮吉定鎮歸思鎮上保鎮金城鎮方村蒙村窮果兩
江口峯門寨南源寨常安鎮龍平寨西嶺寨鎮峽寨
白霞寨邊蓬寨信都鄉沙田寨樊家寨白花洞口渠
樂寨金城寨八尺鎮那樓寨橫山寨南鄉南里鄉大
宣鄉馱演寨鵝頸鎮都名鎮丹陽鎮周冲大宣鄉靖
寧鄉大黃江口北山懷遠鎮洲山渡頭其後降田州
府爲州思恩府爲軍民府而移桂林之荔浦修仁入

平樂南寧之武緣入思恩增桂林之末寧平樂之末
安昭平潯州之武靖南寧之上思新寧而增設知州
一人曰武定吏目一人曰思州巡檢二十六人曰臨
時嵩馬甲大田子甲子甲陽院思郎累彩怕河武龍
拱甲床甲婪鳳下隆縣甲篆甲砦桑怕牙思幼候周
思恩白興龍定羅定安古零那馬下旺都陽改流知
州二人曰養利曰上石流知縣二人曰崇善曰末康
隸吏部驗封

慶遠土舍韋富撓其先在唐宋時世有東蘭西蘭二
州及儂智高反竄匿失官逮其父晏勇始據有東蘭

續詞合誌
卷十二

六

故地洪武初富撓遣土目韋錢保詣闕上故元所授
東蘭州印貢方物時錢保欺謾故匿富撓名而謾以
已名上之朝廷不察卽以錢保爲東蘭知州奉朝命
赴任陽陽設施富撓無如何旣而錢保以徵歛暴急
虐土民土民不服乘富撓怏怏遂名衆挾富撓稱亂
官軍進討之先擒其黨韋公煥力言錢保冒襲不平
土民激變有所自於是乃奏問執錢保去官而勅富
撓戴罪責後效置餘黨不問

初洪武改元龍州土官趙帖堅以萬戶府歸附詔改
爲龍州知州許世襲職及帖堅卒無子其姪宗壽襲

土官知州旣而鄭國公常茂以罪謫其地帖堅妻黃氏有二女其一爲太平州土官李圓泰妻而茂納其一爲妾方是時宗壽雖襲職帖堅妻猶持土官印與茂共擅州事數凌逼宗壽會茂以病卒其闈者趙觀海等亦素與宗壽爲難宗壽乃與其把事頭目用計取土官印上封事言茂已死并械觀海等至京而帖堅妻亦使人告宗壽據掠與李圓泰謀劫茂妾并其奴婢往太平州且搜趙氏祖父官誥諸物盡掠取之又欲并奪龍州之地因親至京言宗壽實從子不應襲宗壽亦上章言狀上詔宗壽勿問獨議帖堅妻與

圓泰罪旣而以蠻夷遠人并釋之無何有人告茂匿龍州未死前宗壽所言皆妄詔都督榜諭如茂果存宜解京贖罪如果死宗壽親來京具陳其由而宗壽不出上命兵部尚書致仕唐鐸賞勅往諭復不出會臣告奉議南丹諸寨蠻人梗化乃遣發湖廣江西衛所馬步官軍六萬餘人及諸衛漢達官軍進征龍州時都指揮韓觀捕獲宜山蠻寇二千八百餘人斬僞大王韋名僞萬戶趙成秀韋公旺等傳首京師上乃命韓觀還軍廣西而以左都督楊文佩征南將軍印副以韓觀并僉事宋晟爲左右將軍遣諭安南王

令輸米二萬石助糧而趨江陰侯吳高安樂侯吳傑
統諸衛兵嚮宗壽宗壽懼請伏罪來朝仍乞唐鐸還
京而親率耆民儂里等六十九人伏闕謝罪貢方物
詔釋宗壽勿問而勅移兵向奉議南丹所至皆破僉
事胡冕等追捕柳桂西山養牛諸洞山賊擒渠康節
孫斬之韓觀等分兵討都康向武諸州縣連破更吾
蓮花大藤峽諸寨斬渠黃世鐵并其黨一萬八千三
百六十餘人蠻寇盡平唐鐸乃奉命相度形勝置奉
議等衛并向武河池懷集武仙賀縣諸守禦千戶所
設官軍鎮守焉

蠻司合誌
卷十二

八

宣德四年上隆州土官知州岑瓊卒無子有姪岑松
尚幼土人訴于朝言瓊母陳氏有才識可理州事願
得陳氏襲職以撫其民詔從之土官之子死而母襲
者自陳氏始

泗城州女土官盧氏故土官岑瑄妻也瑄卒無子盧
氏襲職知州事既而盧氏以其姪岑豹年長乃致仕
請豹承襲豹既襲忽仇盧氏率土兵五百人圍盧氏
廬謀殺之且毀伯父岑瑄像盧氏欲廢豹疏言豹無
道所爲不孝難使承襲而豹之叔父利州土官知州
岑顏亦奏豹與兵謀殺盧氏侵越地方州民被害獨

都督山雲謂豹實故士官岑瑄之姪雖欺凌盧氏有據而承襲其本事也若盧氏宜妻本豹伯母原以借襲致仕宜量撥田土以贍終身仍請勅諭岑豹母肆侵擾上乃遣前使烏撒烏蒙行人章聰侯璉賫勅與雲并三司巡按御史覈論之

思明河土酋黃瑛上世皆士官其弟珣以世嫡爲思明知府正統中瑛積捍禦功授丘溫衛指揮累遷廣西都指揮使守潯州者八年至景皇帝時珣之嫡子鉢怨不得襲瑛以計授球聚兵五千圍府執珣及兄鈞等弑之旣而又圖奪嫡乃盡發鉢罪使其子灝湯

續詞合誌

九

聞于官若欲爲珣伸理者巡撫李棠總兵官武毅廉得其實坐瑛罪當死會憲宗在東宮景皇帝有子曰見濟瑛遣人入京先賂用事者乃具奏請立見濟爲皇太子景皇帝大悅命禮部會廷臣議大學士陳循力主之將復疏署名吏部尚書王翱有難色循持筆長跪強翱翔署名上上如議于是出憲宗就沂邸行賞翱頓足嘆曰此何等事乃出自蠻囚耶瑛遂蒙大赦原免復職并進都督賜誥命極其褒獎勢焰薰灼人多趨其門棠致仕去未幾見濟薨英宗復辟憲宗亦復位東宮而瑛已死命發棺槨其屍

大藤峽在潯州萬山中山有水名潯江發源柳慶東
流至州經象州永安修仁荔浦平樂諸境夾江兩山
皆哈呀截峩其窳險惡地爲大藤峽以其有孤藤渡
礮如徒杠然故名南截潯水爲府江自藤峽至府江
約三百餘里其地惟藤峽最高登峽則數百里皆歷
歷在目故軍旅往來顧盼立盡諸蠻以此爲奧區桂
平大寧鄉崇姜里爲前庭象州東鄉武宣北鄉爲後
戶藤縣五屯障其左貴縣龍山據其右若兩臂然峽
北崑洞以百計如仙女關九層崖尤極險阨者峽以
南有牛腸大帖諸村皆緣江立寨藤峽府江之間爲

蠻司合誌
卷十二

十

力山力山之險倍藤峽焉又南始爲府江週遭六百
里其中多冥巖奧谷層崖絕壁入者手挽足移十步
九折一失足則墮身數百仞下中產獠人藍胡侯盤
四姓爲之渠魁其山多縵土而側耕危穫不服私庸
饑則拾橡薯射狐掘鼠卉衣血食言語侏儻且憚見
官府往往逼向化獠老結城市豪強號曰招主自稱
曰耕丁其力山獠人又善傳毒藥乃矢中人無不立
斃者雖四姓獠亦憚之景泰中獠首侯大狗倡亂肅
聚萬人修仁荔浦平樂力山爲之響應遂攻墮州縣
出沒山谷守吏不能制率以招撫縻之時朝廷方北

患瓦剌未遑也。天順七年賊劫上林縣攻梧州城時總兵官秦寧侯陳涇駐兵城中會太監朱祥御史吳璘副使周壽等方議調兵而賊夜駕梯踰城啟門劫府治官庫放獄囚大肆殺掠執副使周壽爲質殺訓導任璩而涇等擁軍自衛不敢發一矢時致仕布政宋欽家居挺身出以大義諭賊被害黎明賊聲言毋動動卽殺周副使涇等乃使人與賊講解逮捕時賊方出城去旣去縱壽還時官軍數千賊僅七百而已自後奏報劫掠殺越城市無虛日有州縣被圍經年不解者總兵顏彪都御史葉盛嘗與戰頗報斬獲然

終以恆敵未經勦盪遠奏班師及軍迴而賊復集于是御史王朝遠奏請大征而副總兵范信乞調遠兵并衛所旗軍有才力者協同進勦詔能捕大猗者予千金爵一級竟不可得甚至蔓延廣東高廉雷諸境兩廣守臣皆待罪兵部尚書王竑乃言峽賊爲亂久矣其始皆由守臣以招撫爲功譬之驕子之啼者愈恤愈啼非流血撻之啼不止浙江左叅政韓雍有文武才屬之討賊可紓南顧憂而諸將中惟都督趙輔勇略可任上乃以雍爲左僉都御史輔爲征夷將軍僉事和勇爲游擊將軍太監盧康陳宣監視軍務戶

尚書薛遠督餉御史劉慶汪霖紀功而一以便宜專
屬之雍曰將士有功者得自署三司而下不用命者
以軍法論成化元年雍偕諸將會南京議進取方略
皆曰兩廣殘破盜所在屯聚宜分兵撲滅之令一軍
由庾嶺入廣東而大軍由湖廣入廣西賊在廣東者
驅之在廣西者困之雍曰不然賊已流劫蔓衍而所
至與戰是煽禍也藤峽爲賊穴吾以全師擣之則東
可以應南韶西可以取柳慶南可以援高廉雷而北
可以斷陽峒諸路所謂腹心旣潰則遊寇自息舍此
不圖而分兵四出賊必擁而漫流流賊愈多州縣愈

蟹司合誌
卷十二

十二

破所謂救火而噓之者也諸將曰誠如公言乃以官
軍三萬人兼程而進方至全州值陽峒西延苗賊爲
梗先以偏師擊滅之斬失律指揮李瑛等四人一軍
毀粟及至桂林復名諸將按圖議曰修仁荔浦藤峽
之羽翼也羽翼不剪則腹心難除乃以末順保靖及
兩江土兵十六萬人分五路進先破修仁窮追至力
山大敗之生擒一千二百餘人斬首七千三百餘級
乃進潯州延父老問計皆曰大藤天險重巒密箐三
時瘴癘某等生長其地尚莫得要領且兵辭旣振賊
備益堅莫若屯兵圍之且耕且守則不戰自斃矣雍

曰不然峽山遼濶紛披輪困六百里間安可圍也且屯兵日久將士離弛睥睨衝突安能悉防兵法有之先聲有奪人之志乘勝之謂也今我軍旣破府江勇氣十倍峽賊聞之亦以褫魄因而乘之何堅不破乃以六萬八千人爲右軍令總兵歐信叅將孫騏高瑞都指揮夏正等將之自象州武宣分爲五道攻其北以九萬二千人爲左軍令都指揮白金楊興張剛王岷指揮唐雄等將之由桂平平南分爲八道攻其南復令叅將孫震指揮陳文章等守左江及龍山五屯防其奔軼而自與趙輔和勇營高振嶺以督諸軍且

盤司合誌

十三

令歐信曰山北旣破便可提兵深入夾攻桂州橫石諸厓令夏正曰林岫沙田府江間道也宜越古眉雙髻諸山伏兵林岫扼其東奔諸將敬諾于是諸道竝發腹背夾擊賊旣失利乃置婦女積聚于桂州橫石寺塘據險立柵而悉力出捍于峽南置滾木礮石鏢鎗毒矢下如雨注官軍仰山而攻雍督戰益急敵少息雍覘其怠急擊之將士用團牌扒山虎壓二芭諸器魚貫以進皆殊死戰呼聲裂山谷賊氣奪乃縱火焚柵因而乘之歷破山南石門大信道袍屋屢紫荆竹踏梁腦老鼠塞嶺林岫沙川古營牛腸大帖大寨

諸寨賊屋廬藏積俱赭會日暮雍命就營賊巢十眾
栗栗視雍雍恬然整暇眾恃以安賊既潰入橫石諸
崖雍飭兵窮追伐山通道行數日至其地賊上九層
崖抗戰前樹大柵用千觔礮石從雲霄轉下聲如轟
雷且弩矢雨注不可當雍誘使大發而令人間道潛
陟其巔覘發竭舉砲賊大駭雍麾死士以大斧刊木
拔蘿而升前後不絕如蟻漫山奮擊然後發火箭焚
柵而夏正等亦自林洞來援賊大奔生擒侯大狗等
七百八十餘人斬首三千二百級招其流冗千餘人
磨崖石紀歲月而還土人謂自國初用兵未有窮巢

蠻司合誌
卷十二

十四

破穴如此甚者先是峽中有大藤如斗延亘兩厓諸
蠻皆緣之以渡至是斬峽藤斷之名斷藤峽當大軍
由修仁抵峽道有儒生里老數十百人戴香跪迎曰
我輩苦賊久矣莫敢自拔今幸遇天兵得爲良民願
先三軍鋒雍大怒叱左右縛斬之左右貽聘謂何故
殺良民及縛而利刃出袂問迺知問也悉斷頸故手
足剝腸剔胃累累掛箐棘中賊望見大驚沮曰韓公
天威也既平雍乃上言諸獠之性憚見官吏攝以流
官終難靖亂上隆州土知州岑鐸先因祖母奏其盜
嫂謀兄故推鞠在禁乃五年之間竟無証佐臣愚以

爲鳥獸之族。豈識彘倫。賸昧之言。許白中。特聞其人。驍勇冠軍。倘被以特恩。而復其職。改隸潯州。爲諸獠。長則効治。可立計也。又言諸流官。巡檢不諳獠俗。往來遷轉。難以責成。請授諸有功土人。李晟等爲土官。巡檢。因請移周冲。巡檢司于勒馬。移靖寧。巡檢司于獻俘。移思隆。巡檢司于碧灘。而添設東鄉龍山。巡檢司各一。至于別類。獠人國初曾充戎伍。近用兵時。遣千戶李慶招之多。官效順。請卽本地開設千戶所。因其故俗。卽以李慶作渠帥。統之上。皆允納。于是設武靖州于斷藤峽。以容鐸爲知州。屬潯州府。進雍左副

都御史官子錦衣封趙輔武靖伯世襲時輔知雍才軍事一聽雍而輔但受命督戰故所向有功暨雍以艱去諸獠稍稍謀聚御史龔晟僉事陶成請立總府于梧州兵尚書白圭仍俟雍服闋加右都御史再往總制復平那蒲岡。蔘古平諸賊。兩廣大定。乃與太監黃沁不合。求去。遂以右副都朱英代之。英承雍威力。招徠荔波力山馬平陽朔諸獠。定爲編戶。氓而使之。輸賦自是之後。民有寧宇者。凡三十年。其所斷大藤中空。截其兩端。而釘以牛皮。爲大鼓。置叅軍府門。蓬蓬然聲聞十餘里。其後兵備移鼓。至行臺。叩之無聲。

歸卽如舊以爲神

蠻司合誌
卷十二

十六

西河合集

蕭山毛奇齡

又名牲字儉彌稿

姜之琦幼韓較來洵佳眉良較

蠻司合誌

三十

兩廣

趙楷者龍州土官族子也龍州自趙宗壽襲後五傳至趙源其妻岑氏本田州知府岑鏞之女嘗自負家勢專制部事無所忌會源卒無子州人推源兄溥子名相者當立楷即相弟溥次子也妒之謂岑氏曰主何不自為地耶相誠立則州非主有明矣主盍購乳

蠻司合誌卷十三

子擁之而親以護印掌州事是主世世有龍州也岑然之遂以媵僕韋隊子璋詭云遺腹子鞠之外家而岑之兄子猛方自大遣府目韋好以兵三千納璋勿克楷乃奏言璋實源子當立為相所篡事下督府而楷與璋通賂上下莫敢主相者正德十三年有錦衣兩舍人以別務至左江楷揮千金賂兩舍人詭云有旨以土舍王祥持僞檄遍調鎮安果化向武養利土林諸土兵二萬人送璋入龍州攻相相挈印走匿况村猛遂縱兵殺州人死者二千餘左江大震先是相二子長熒次寶相枝毋寶亦枝毋相絕憐愛之曰肖

我當後我至是猛乃以寶去髡爲奴都御史楊旦總兵朱騏以變問猛復賂鎮監傅倫得旨僅勅倫捕祥而逮分守彭夔分巡李淳去餘勿問嘉靖元年相死州人立燧五年猛伏誅七年楷弑燧州人立其族弟爰會新建伯王守仁提督兩廣遣上思州知州黃熊兆勘其事而熊兆黨楷言楷當立宜以州印畀楷楷遂弑爰大亂州目黃安黎容等潛往田州購寶寶爲奴楊布家年十三矣安容等以百金購得之言之督府時督府林富與總兵官仇鸞皆言楷勢張未易驟滅不如姑因勢利導之乃諭楷令還寶職而使寶以

寶司合誌
卷十三

二十一

五千金并腴田三十一村謝楷楷私計寶終易與且趙宗單寶死官必及已不如徼厚利圖之乃欣然還職而陰以贏財招犴猾自扞且復求韋璋之子阿應育之令往來寶所阿應美姿容談笑寶妻與通動息必告楷楷乃爲應奏言應源孫也宗亂二世不得立事下督府都御史蔡經猶豫不敢決而寶宮妓男子王良以爲闇者楷名良激之曰汝絕代人也幾伺之民頗殘身以干進者爲富貴耳汝安圖哉藏頭闔闔與獫豸無異曾不若纍牛騰馬之得逞其欲也良曰恨不剔腎以報之楷曰誠欲報耶吾爲若主之何如

良唯唯。楷乃鳩州目鄧瑀、李旭、林盛等謀伐寶州人。怨寶莫爲言。十六年，楷遂以千人抵州。夜及寢，門呼良曰：「至矣！」良聞楷聲，開門納楷。執寶寢所斬之截枝，毋及以寶妻去。變聞，會安南莫登庸篡主，自立朝議。征之，登庸笑曰：「中國土官以弑逆爲事，數十年無正法者，而獨慮及我何哉？」項之憑祥叛，會李寰與楷通。都御史蔡經屬副使翁萬達兼圖寰。楷萬達密受命，乃獨行部至南寧，故沉滯不爲理。州人大譁，萬達曰：「趙氏之族殫矣，非楷莫立者，顧負罪不丐我，故遲之耳。」楷聞之大喜，萬達乃遣人謂楷曰：「楷誠以三十一

村贖罪，我當贖之。且界以官，楷益喜，報命萬達。乃時時稱楷智勇冠軍，卽南征可當一面。楷遂統精兵千人詣萬達，言事。且以三十一村地圖來獻。萬達留語，旬日，楷浸慰馳，不爲備。所攜兵衆多以乏糧，遣歸寨。萬達乃名楷及鄧瑀入伏，壯士劫之，曰：「汝輩罪大滔天，不得活命，且盡今日矣！」特汝死此地，吾憐汝，吾欲以官界汝。子汝當爲書諭汝黨，勿亂其靜，以俟命。楷惶懼，以頭搶地，曰：「門祚衰薄，喪亂頻仍，官府悉罪楷，何也？」楷誠死，而官府食言不及楷。子官奈何？萬達曰：「有如此日，乃流涕而與之盟。楷亦流涕爲書諭，冀曰：

事已如此亂無益也可善撫我子以存趙氏萬達得書卽呼壯士杖斃之而以書諭其州人立楷子匡時年四歲一州悉定乃以十三村還龍州十八村立縣治附太平郭其同時戡定者有憑祥李寰事

憑祥李寰爲土官知州李廣寧庶子其先李昇洪武十八年以憑祥峒歸附授巡檢永樂二年改縣治以昇知縣事其後部落蕃衍常交趾鎮南關爲左江要害成化八年改州治以昇孫廣寧知州事廣寧有子子寰其季也廣寧死諸子爭立不決凡三四年而竟以其孫珠嗣嘉靖十年珠又死族弟珍珏又爭立珍

蠻司合誌卷十三

四

挈印走况村况村土舍黃泰以其姊黃孟妻之珏遂擅攝州事十四年州目李清李滿趙琪蘇寄枝等謀納珍說思明府土舍黃朝曰李珍吾主也不幸爲逆弟所逐倘以君之威得復入奉蒸嘗者願以全州服事備下屬黃朝喜遂約黃泰以兵七百人納珍憑祥奪其印珏奔磬柳久之南海浪人歐紹賢周縉客憑祥說李珍曰州故省屬視思明伯仲也今屬思明則父子矣竊爲明公耻之珍遂悔約不肯屬思明蘇寄枝李滿爭之不得因有隙會黃朝有外婦生子時芳長矣詭云此廣寧孫也當其父聰與珍珏爭立時避

居思明實生此兒乃以千人納時芳弗克時珍荒淫甚醉卽手刀人部民患之寔乃謀廢立有成局而珍妻黃孟亦以失寵孤憤寔與之通十七年寔名歐紹賢周緝曰李珍不道賊虐部民吾欲脩衆怨舉大事而難黃泰奈何紹賢等曰黃泰疑不助也試爲公探之往見泰曰南海之濱有不禮其妻而淫于他妻者其妻之父兄勿加怒也則可謂大度矣乎泰曰不然夫不禮其妻是不有其父與其兄與弟也而銜之是匿垢也而謂之大度何可紹賢等歸謂寔曰泰不助珍也寔遂約李滿蘇寄枝將爲亂慮趙琪掌外甲以

兵劫琪琪許之紹賢等曰未也舉大事而無內應譬之啟鑰而無簧難以入矣寔曰善時珍妾苒玖有淫行寔遣刺客趙應就苒玖所詭爲珍所使逼淫之夜半嬰然曰爾死期至矣如何苒玖驚問故曰主官知汝有私人使我試汝卽從者當取汝頭去否則貫汝今竟何如矣苒玖懼急裸起叩頭呼救我趙應擁被坐故躊躇間還以被擁苒玖曰吾亦惟憐汝以使汝知也雖然吾夜當再至汝弟毋動夜俟我寔復遣人謂黃孟曰今夜十郎將卽子排闥勿驚十郎寔稱也黃孟唯唯旣而內人爭以酒進珍珍沉醉乙夜趙應

竊酌玖穴垣出蘇寄枝巡徼佯驚諱曰聞竇何豁也
黃孟驚起開門而寰等擁兵入斬珍于床李清聞亂
呼趙琪以外甲入救琪匿不至寰遂挾黃孟并坐部
兵發庫藏爭財亂擊殺者數十人詰旦寰置酒高會
名李清清不得已赴之臨觴而嘆寰就坐殺清會安
南逆臣莫登庸反因厚賂寰爲嚮導曰緩急鉅細皆
以聞時督府蔡經屬副使翁萬達田汝成並治龍州
憑祥二亂而汝成撫藤峽萬達獨行乃先誘殺龍州
賊而遣人諭寰曰天子將有事于南夷邊圉之臣有
用命者尊官可立取也寰遂自薦曰願効力萬達乃

蠻司合誌
卷十三

六

厚與之而名黃秦謂之曰人言李珍之死倡亂者汝
也然乎秦大驚辨萬達曰無多言能擒李寰則不辨
自明耳秦謹諾乃遣指揮錢希賢徵兵秦所部勒若
行邊者至憑祥襲之擒李寰李滿蘇寄枝等皆論死
卽日榜其黨曰罪止寰等一州帖然既而李珏李時
芳復爭立萬達汝成共鞠之時時芳倚黃朝勢通賂
上下皆云當立而奸民農球復控督府言時芳真李
璉之子廣寧之孫萬達力斥球乃論時芳死黜珏而
立李珏之子佛嗣珍

上思州七日黃鏐于正德之末聚衆攻城都御史林

廷選捕之下漳州獄已而越獄復叛官軍禦之詐降副總兵張祐不爲備復叛攻破州城已而復勦捕獲之伏誅嘉靖元年都御史張嶺奏廣西上思州舊本土官中改爲流遂致土人不伏往往稱亂今宜仍改爲土官而擇土吏之良者任之議以爲然

思恩土目劉名叛令其黨黃安奪定羅堡剽掠良民兵備副使檄田州土官岑猛勦捕之猛按兵境上不進都指揮僉事孫震直前撫之爲賊所執守巡數遣人省諭名詭言掣回田州兵當還震守巡不得已從之又欲盡掣思恩守城兵守巡不可名亦竟不出震

鹽司合誌
卷十二

七

而是時諸州土官皆黨逆觀望不用命總督都御史張嶺請調湖廣未順保靖土兵各萬人與本省官兵合勦且仍留折糧銀二十萬以給軍餉部議各減半且先令遣官撫諭使急出震賊始懼受命事遂定岑猛田州府土官也自稱漢岑彭後洪武初元安撫總管岑伯顏以田州歸附高皇帝嘉之爲立府治使世襲知府三傳至溥生二子長名猷次卽猛也弘治六年猷以失愛弑溥土目黃驥李蠻發兵殺猷嗣位未定而驥與蠻復構驥以猛奔梧州督府奏猛襲溥官納之田州兵備使汪溥慮蠻方命乃檄思恩知

府岑濟以兵衛猛時濟方雄視兩江驥遂賂濟脇猛分地猛不得已從之比至田州李蠻拒不納驥復以猛奔思恩濟乃留猛不遣十一年都御史鄧廷瓚檄濟歸猛濟不從尋遣副總兵歐磐布政使程廷珙以兵徵之濟始釋猛督府納之田州遂與濟仇讐是年濟入田州殺李蠻十五年濟攻陷田州猛走免濟乃以族子洪據守其地十八年都御史潘蕃奏發兵討濟戮之并誅洪收思恩流官知府兼攝田州降猛福建平海所千戶正德初猛賂劉瑾矯旨以猛爲田州同知猛撫輯遺民兵威復振稍稍侵旁郡自廣嘗自

卷十三

八

言督府有調發願立功冀復舊職會江西盜起都御史陳金檄猛從征猛所至剽掠然以平賊故疏功稍遷指揮同知第非猛初意頗怨望而督府旗校初受猛賂日譽猛至是賂稍減毀者漸至而猛復自恃兵力凌轢諸土官諸土官不堪稍有言猛不軌者都御史盛應期借以恫猛索猛賂猛不遜應期怒疏猛反狀未報應期去都御史姚鏞代應期鏞雅知猛無反心欲不舉而鏞子涑以書上鏞願勿征猛時巡按御史謝汝儀到官故事御史謁督府從掖門入汝儀直入儀門鏞眴從官却之汝儀大怒廉得涑書誣涑納

猛萬金鑊。皇恐乃再疏請征猛。制曰可。嘉靖五年，鑊
皆總兵官朱麒發兵八萬，以都指揮沈希儀、張經、李
璋、張佑、程鑿等五將軍統之分道竝進。猛聞大兵至，
令其下母交兵，裂帛書寃狀，陳軍門乞憐察之。鑊不
聽。督兵益急。沈希儀擊斬猛。長子邦彥于工堯隘。猛
懼，謀出奔而歸順州。知州岑璋，猛婦翁也。其女愛
屏居璋，欲藉此報猛。乃其言誘猛走歸順，鳩殺之。斬
首以獻。先是猛三子，邦彥敗死，邦佐與邦相出亡，惟
邦彥側室子曰芝方，襁褓匿民間。鑊謂岑氏單弱，計
田州可遂滅，乃請改流官治之。未幾，田州土目盧蘇

續司合誌
卷十三

九

糾思恩土目王受挾邦相反。兩江皆震。會汝儀滿去，
御史石金代之。金仍黨汝儀，左布政使嚴紘僉事張
邦信又素不爲鑊所喜。紘遂倡言猛實不死，歸順僞
以脅猛者當之。又言有自右江來者，聞思恩以陷岑
猛糾交吐叛臣莫登庸反，金遂劾鑊輕信罔上圖田
州不得弁失。思恩上大怒，落鑊職，以王守仁代之。先
是鑊上言田州遺黨復亂，再乞集兵勦捕軍興錢穀，
相應議處土命動支廣東司府金錢，不得分彼我致
誤事機。至是守仁未至，鑊候代偵知思恩未陷，欲徵
兵擒蘇，受自贖，乃檄兩廣三司議事而張邦信分巡

蒼梧欲陰壞其事給郵吏發檄東西交窺之兩廣三
司皆以檄非是封還鑊竟不獲集兵而去七年守仁
將至田州調湖兵數萬人南下諸夷皆憚之守仁乃
自發晦示以無事及抵南寧見蘇受勢熾度不可卒
滅乃遣人招諭使來輸罪蘇受本林守仁威武將丐
命會有浮言軍門給蘇受欲取其賄者蘇受疑懼不
卽至守仁復遣慰諭之且與之誓蘇受言來見必陳
兵衛弁乞易軍門左右祇候以田州將校守仁許之
蘇受乃出謁盛兵自衛守仁數其罪篋一百蘇受衷
甲受篋諸夷驚莫測守仁乃上疏言思田久構禍茶

蠻司合誌
卷十三

十

毒兩省已逾二年兵力盡于哨守民脂竭于轉輸官
吏疲于奔走地方隳杌如破壞之舟漂泊風浪覆溺
在目不待智者而知之矣必欲窮兵雪憤以殲一隅
未論不克縱使克之患且不測况田州外捍交阯內
屏各郡深山絕峪猿狖盤據使盡誅其人異日雖欲
改土爲流誰爲編戶非惟自撤其藩籬而拓土開疆
以資隣敵非計之得也今岑氏世效邊功猛獨誣誤
觸法雖未伏誅聞已病死臣謂治田州非岑氏不可
請降田州府爲田州而官其子那相爲判官以順夷
情分設土巡檢卽以盧蘇等爲之以殺其勢添設田

寧府統以流言知府以總其權上皆從之乃薦布政使林富爲巡撫都指揮張佑爲總兵官而親率蘇受攻入寨賊破之時兵部侍郎張璉及桂萼等已侵淫毀守仁處田州非是會守仁薨而都御史林富代爲提督稍易守仁議奏言思恩改設流官二十年兵不得罷田州決非流官所能控禦但降田州爲州則不必別設府治以騷遠夷乃以岑邦相爲判官以張佑充副總兵鎮守其地勅曰滿三年乃代時邦相纔十六佑兒子奇之而盧蘇自冷與復岑氏功專制生殺威行部中號曰布伯伯者猶華言主管也邦相擁

續司合誌卷十三

十一

虛位不平遂與盧蘇有隙會張佑將代望邦相厚賂已邦相但治供具無所賂佑大怒乃以他事撻邦相而陰與蘇比購邦彥子芝已髡鬻之別所邦相欲殺芝不得適佑不果代留鎮督府以西山之役檄佑從征佑遂置芝衣篋中以行而邦相乃治供具毒佑佑死芝奔梧州都御史陶諧亦兒子畜芝于是盧蘇遣人刺邦相不得邦相名士目羅玉戴慶謀代蘇蘇覺稱疾不出會其妻生日諸士目率妻子來賀且爭入問疾蘇伏甲臥內而後出見諸士目諸士自慰勞曰願布伯自愛蘇曰賴公等之靈疾苦何足恤特恐

未保首領耳。諸土目驚曰：布伯何故出此言？此一州人誰不甘心爲布伯死者？蘇曰：噫！吾敢望州人哉！弟得坐中人憐我足矣。諸土目覺蘇言非是，皆相顧。哈聘蘇乃指羅玉戴慶曰：如二賢何言訖？甲典執玉慶斬之。因劫諸土目曰：邦相之不德，公等所素知也。孺子芝實岑氏裔，不于此時立而安立乎？諸土目皆頓首曰：唯命。蘇乃閉諸土目，妻曰乞留此爲質。卽日以甲士千人攻邦相，弑之，焚其屍賂都御史諧言。邦相病死，無後。芝當立，遂立芝歸州。于是猛仲子那佐爭立，而鎮安府土舍岑真寶泗城州土舍岑施東蘭

州土舍韋起雲那地州土舍羅廷鳳等合兵助那佐攻田州，入之，殺掠萬人。蘇走免，會歸順州土舍岑獻爲蘇所救，下獄。獻乃乘虛襲真寶，真寶敗。兩江大震，諧乃遣人諭真寶等曰：邦相實病死，曷與盧蘇而爾等自相魚肉何也？仙諧已憂去，都御史潘旦蔡經相繼代成，不欲與問罪。師朝議下核實，副使葉倪奏議陳大珮議曰：盧蘇稱亂，弑主罪在不赦。縱宥之，不誅亦當。以上聞，令立功贖罪耳。經不聽，反言。那相不孝，奪其母贍。田盧部下盧蘇因衆怨殺之。朝議遂置蘇不問。諸夷聞之，皆解體。十七年，以征藤峽故調

盧蘇與其子鳳兵屬指揮王良輔部下而鳳故逗遛且給良輔軍他所而自以父子爲一軍副使翁萬達不平與副總兵張經謀曰峽賊雖常誅不過殺人剽貨已耳盧蘇罪十倍峽而舍豺狼而責狸鼠非法也吾欲與公等倡議斬之何如皆唯唯乃名蘇仇向武州土舍黃仲金與之合兵爲書暴蘇罪狀上之督府其詞甚厲都御史經閱書大駭報曰今日之事受命征峽賊不聞征蘇何監軍之多事耶即日遣旗牌星馳營中坐鎮之使勿發而其機頗洩蘇夜遁萬達頓足曰惜哉不先發而後問也

鑾司合誌

十三

先是都御史姚鏌征岑猛時歸順州土官岑璋猛婦翁也鏌慮璋兵強當助猛名都指揮沈希儀問計希儀平時知璋女失寵恨猛有隙請就璋探實以覆時希儀所部千戶趙臣者雅善璋希儀名臣語故臣曰是常以計取之希儀曰如何臣曰鎮安歸順世讎也公使人歸順則鎮安疑使人鎮安則歸順疑是莫若徵兵鎮安而中其忌以劫之可立取也希儀曰善乃遣臣往檄鎮安兵臣過璋璋喜逐臣曰久不見故人今肯念我來耶臣嘿然璋曰趙君有嗔乎曰感故人厚意久契闊故迂道來何嗔也稍與語須臾嘆息而

起璋疑之明日璋置酒歎臣若不豫者璋曰怪哉
趙君軍門督過我耶臣曰無之曰隣壤有所控訴將
逮勘耶臣曰無之璋挽臣臥內跪叩之臣泣下璋亦
泣曰璋死卽死耳君何忍秘厄我臣乃言曰託君肺
腑有急不敢不告然今日非君死卽我死矣璋驚曰
何故臣曰軍門奉旨征田州謂君猛婦翁必黨猛令
我檄鎮安兵襲君我不言君死我言君必驟發敗機
事則我死奈何璋頓首謝曰君實生我君不言我赤
族不悟矣我何忍獨生反令君死遂強臣稱病留傳
舍而亟遣人馳希儀所告變陳猛反狀恐連及願擒

蘇司合志

十四

猛自效希儀許之遂佯追臣返以其事白鎮鎮乃不
備璋專意攻猛勒兵五道以都指揮希儀及李璋張
佑程鑿張經將之而叅政胡堯元分道督進猛子邦
彥守工堯隘璋遣兵千人助邦彥實爲間邦彥欣然
納之璋遣人告希儀曰已遣千人爲內應矣鏖戰時
乞識寸帛綴裾裏者希儀許諾及戰歸順兵佯敗奔
田州兵亦奔遂大潰希儀斬邦彥猛欲他奔璋使招
猛曰事急矣何不走歸順以達安南圖興復耶猛倉
卒不知所出遂佩印從璋璋陽泣迎之奉之別館飾
姣女妖童牲穀咸備且詭曰天兵退矣又曰天兵聞

君走交南不敢輒犯將詣軍門請進止矣猛喜不疑
會胡堯元嫉希儀欲攘其功頗聞猛走匿璋所遂以
兵萬人擣歸順璋急遣人持百牛千醢迎三十里曰
天兵遠勞謹饋犒飲每牛加桔繫之一榻侑列十醢
堯元怪璋整暇而諸軍得犒喜遂屯不進璋乃親詣
見諸將曰猛敗走歸順欲走交南璋邀擊之猛目集
流矢南走不知所往急之恐生變幸緩五日當捕致
戲下堯元等許諾璋還詭猛曰天兵已退非陳奏不
白請急草封事爲君上之猛乃乞屬草出印印訖璋
知寘印所置酒賀猛樂作持鴛一甌錦衣二襲曰天

兵索君急不能庇也請自爲計猛大怒呼曰不意爲
老奸所賣遂仰鴛死璋斬其首并府印函之間道馳
詣軍門度已到乃斬他囚首貫猛屍昇擲諸軍諸軍
驚攘支解爭擊殺十餘人颺馳軍門則猛首已暴一
日矣諸將大志恨遂浸淫毀璋而布政使嚴紘欲壞
鎮事藉言猛實不死死者道士錢一真耳御史石全
因劾鎮落職而希儀等俱不論功璋恨致仕子獻襲

西河合集

蕭山毛奇齡

字大可
又名性稿

分籍一吉峻
王壇杏侯峻

蠻司合誌

四

兩廣

斷藤賊久為良民至正德間稍有橫江禦人者峽南
尤甚時武備頗弛賊易之都御史陳金謂諸蠻不過
利魚鹽耳乃約商船入峽者計船大小給魚鹽與蠻
令蠻就水濱受去如稅惟然蠻初獲利聽約道路稍
通金亦謂法可持久乃疏其事易名斷藤峽為未通

蠻司合誌
本四

峽久之蠻征商無厭小不愜必刺船而扼之江中重
賂乃免嘉靖五年新建伯王守仁以總制定田州亂
還至潯州父老遮道言斷藤及八寨亂狀守仁集諸
將會議乃以二萬人遣副使翁素僉事汪濬吳天挺
叅將張經指揮謝珮襲勦仍密督未順土兵勦牛場
諸寨保靖土兵勦六寺諸寨部署既定先是峽賊聞
軍門檄湖廣土兵皆逃匿深險及聞以盧蘇王受歸
降罷兵稍稍弛備至是守仁駐南寧故為散遣諸兵
狀湖廣兵皆偃旗回鼓馳至與官軍突進四面夾攻
之賊敗退保仙文山據險結寨官軍攀木緣崖仰攻

之連破油碎石壁大陂諸巢賊懼奔斷藤諸軍追擊
之賊奔渡橫石江覆溺死者六百人諸軍自後急擊
俘獲甚衆賊潰散遍搜山峒無遺者還兵至潯州守
仁密檄諸將移兵勦仙臺諸賊仍分布各哨木順兵
由磐石大黃石登岸勦仙臺花相保靖兵由烏江口
丹竹埠登岸勦白竹古陶羅鳳城關牛腸諸寨破大
懼方據險設伏而諸軍驟進奮勇夾擊賊不支奔入
末安力山乃分兵圍之賊復大潰其奔諸路者多爲
防截叅將沈希儀所擒于是斷藤之賊略盡初守仁
因八寨賊去斷藤稍遠別遣布政使林富副總兵張
佑督盧蘇王受兵五千勦八寨賊各乘夜銜枚襲擊
已破石門隘賊始驚覺且戰且走至日午賊號召二
千衆還拒官軍奮擊之賊旣失險氣奪不能支遂大
潰奔入重險官軍披勦連破古蓬固安古鉢都者諸
寨于是八寨之賊亦盡計前後擒斬凡三千人兩江
底定守仁乃班師

已而守仁卒于道嘉靖十五年武靖州知州岑邦佐
以庇賊多受賊賄峽北賊漸起其日侯勝海者居弩
灘號召多人武靖土目黃貴耆香與勝海有隙且利
其田廬言于指揮潘翰臣請殺勝海翰臣素寡謀卽

遣貴香誘勝海市中刺之其弟公丁集衆噪城下殺
廂民二人去僉事鄔閱叅議孫繼武言于都御史潘
旦請討叅將沈希儀沮之曰猾賊未易取須開春江
漲以數千人從武宣順流撲之繼武恚恨謂閱曰是
夫淺淺攘功者閱然之遂還潯州以千人溯流擊弩
灘賊皆遁去斬一病伶而還遂言賊已斂跡請立堡
戍旦從之希儀復言賊未大創兵威不彰立堡難守
旦不聽已而堡成閱命黃貴章香以兵三百人守之
約曰侯氏田廬任擇處不禁于是諸猺大忿那佐又
陰黨之公丁遂鳩衆三千人夜寇堡戍兵死者二百

蠻司合誌
卷十四

三一

餘人貴香走免御史諸演疏其事乃奪閱與繼武職
而以侍郎蔡經出代旦經集諸司議咸謂兩廣軍政
自韓襄毅後大抵用大征鵬勦二法而無備用勦有
備用征勦用少兵征用多兵經謂用征便會朝議征
安南未遑也已而公丁乃益橫時出殺掠先是副使
翁萬達力請討公丁御史鄒克臣贊之經乃會安遠
侯柳珣決計發兵以兵事屬萬達萬達廉得百戶許
雄素通賊有狀乃劫雄曰能擒公丁者免死否則論
法不少貸雄皇恐頓首願效力自贖萬達乃陽言公
丁本良猺爲讎家誣構耳寇堡小事吾當爲白之遂

捕繫訟公丁者數人責其敢讐公丁果遣人懇列冤狀萬達許諾復令雄以百金貸諸徭捐公丁本業公丁喜惟雄所使會萬達按旁縣以計屬叅議田汝成汝成名雄申飭之雄乃給公丁曰若爲婦人指名久矣冠堡之冤翁公知之田公不知也今田公新到何小仍列冤狀如前時而乃嘿嘿爲公丁然之遂隨雄見汝成汝成曰亦聞之誠冤汝弟歸乃陽爲遣勞而密令庠民被殺者家出毆公丁諱于市游徼連逮公丁并毆者皆入獄亟遣雄詢諸徭曰冠堡事公丁供諸徭所爲而庠民以爲實公丁爲之今以此詢果出

卷十四

四

自汝諸徭則當釋公丁而逮汝等如其不然請爲汝

等共棄之母以一公丁爲禍本也諸徭競言事實由

公丁願棄之母敢黨者遂愾致軍門磔示之汝成乃

急上督府謂首惡旣擒急議鵬勦無如此時失此不

討則開春雨水厓路窄滑且賊稍知覺魚驚鳥散非

用兵之利經然之會沈希儀病遂以副總兵張經將

左軍副使翁萬達監之南寧指揮王良輔朱昇凌輔

柳浦周新孫文縑屬焉以都指揮高乾將右軍副使

梁廷振監之賓州指揮馬文傑王俊戚振吳國章屬

焉副使蕭琬紀功叅政林士元及汝成督餉張經議

欲以少兵勦之示威而已又欲舍紫荆諸賊藪勿與萬達持不可謂少兵徒損威何示威也且諸猺恣肆久不大創之不足懾其心汝成亦如萬達議第萬達又言峽南亦劇賊今兵力不能并及姑緩之以俟後議經然之遂以十八年二月兩軍齊發左軍則王良輔由牛渚灣越武靖攻紫荆大冲根姜老鼠諸巢朱昇由三等村渡蓼水攻二驢石門石塘太安黃泥嶺諸巢柳浦由白沙灣攻道袍大井李儀洪泥梅嶺諸巢凌浦由白沙灣攻大昂屋厦小梅嶺諸巢周維新由白沙灣攻藤冲竹埠胡塘綠水冲諸巢孫文繡由

續司合志卷十四

五

藤峽夾攻大坑巢共三萬五千人右軍則馬文傑由武宣六廟攻碧灘綠水諸巢王俊由武宣入山攻羅淥上峒賊振攻中峒吳國章攻下峒共一萬六千人分四道南北夾攻之賊大敗擁衆奔林峒而東王良輔邀擊之中斷復西奔諸軍合擊斬千二百級時捕得生口謂賊計往年據險結砦以致官兵圍勦無子遺者今不復立砦惟漫走山谷間令官兵疲于追逐且曠日持久費餽饟退之必速近日漫走入羅運山矣萬達乃移兵攻之檄右軍抵長洲沿江繞出賊背盡發諸賊隘所設蒺藜荻簽及礮石滾木等道斬數

百級賊益窘會右軍逃失道愆期三日而土目盧蘇受賊賂歛兵縱逸賊乃得漫匿山谷險不可躡時捕羅運猺言祖父居羅運八世矣未聞官軍涉此土者經乃令勿復窮追會平南縣有小田羅應古陶古思諸猺亦據險抗命萬達復勦之乃招賊餘黨三百二十人而江南胡姓諸猺投順者以千計藤峽悉平萬達汝成因獻議督府凡七事曰編保甲以置新民立營堡以通江道設備禦以控上游清狼田以正疆界改州治以建屯所處欵兵以慎邊防權商稅以資公費督府多採納行之

蠻司志卷十四

六

田州女土官瓦氏嘉靖十四年調使援倭寇于蘇州瓦氏提二豎孫并狼兵數千應之曰索有司捕蛇檻犬爲軍儲然頗有紀律總督張經分隸總兵官俞大猷軍會賊犯松江分黨三千過金山衛大猷遣瓦氏邀之遠報斬獲時趙文華至江上謂土兵可用厚犒之至漕涇堵賊不勝土目鍾富黃維等十四人戰死賊初畏土兵至是易之復大肆焚掠大猷乃與瓦氏奮擊賊敗奔平肇至王江涇水順宣慰土舍彭翼南攻其前保靖宣慰使彭蓋臣躡其後大敗之斬首二千級時土兵有腊其肉者人爲語云花瓦家能殺倭

腊而啖之有如蛇

韋銀豹桂林古田獠也。獠種甚繁其或強者曰韋曰閉曰白而皆并于韋。景泰間韋朝威據古田縣官竄會城遣典史入縣撫諭烹食之。弘治間大征殺副總兵馬俊叅議馬鉉正德初再征殺通判知縣指揮等官嘉靖初又再征殺指揮舒松等時銀豹與其從父朝猛攻陷洛容縣還據古田分其地爲上下六里第銀豹出掠惟下六里人從行而上六里不與焉。四十五年提督吳桂芳因其間遣典史廖元入上六里撫諭之。諸獠復業者二千人銀豹度勢孤請降桂芳

雜司各誌
卷十四

七

乃奏言古田白刃正來知縣未嘗入城今典史廖元能撫賊有功宜量陞主簿而徐擢爲縣且本省總兵止以都指揮統之不兼制柳慶權輕位下凡事輒爲撫夷道所持今諸獠雖納款犬豕之性難保其終莫若稍重將權別選材勇堪任者居之部議加都督銜兼制柳慶慶元陞擢皆如議而銀豹愈猖獗嘗挾其五子據鳳凰連水二寨襲殺漳平知縣魏文端更自求福入桂林劫布政司庫銀四萬餘兩金珠若干殺署事叅政黎民表絕城而去官軍追不及久之臨桂永福各縣兵羣起捕賊始得賊黨扶嫩土婆顯等三

十餘人於各山寨中然首惡未獲也隆慶三年朝議以廣西專設巡撫推江西按察殷正茂以僉都往正茂至奏請勦賊合土漢兵十萬集衆會議時八寨助逆衆議先勦敕書亦原有先平八寨徐圖古田之語正茂獨不可謂兵法攻取者堅况首從自分不見上六里已事乎先給榜諭八寨八寨聽命然後分兵七哨以總兵俞大猷統之而使副總門崇文叅將王世科黃應甲都司董龍魯國賢游擊丁山等各領一哨布政郭應聘與副使邵惟中爲之監視乃令各哨所屬復分土兵爲三隊更番清道必先清數里而後行

籌司合誌
卷十四

八

數里及至信地則合營而攻之步伍嚴整生擒朝孟泉于軍陣斬七千四百六十餘級俘獲男女一千餘口撫其不爲寇者六百六十餘村銀豹窮蹙陰覓肯已者斬首以獻時主簿廖元把總王綱認之以爲是相與證明捷聞旣而稍稍傳銀豹不死正茂令僉事金柱蹤跡之銀豹兄銀站乃生縛銀豹并其子扶枝膠致戲下正茂乃疏請引罪以檻車獻俘正法古田悉平因併八寨與龍巖咄咄爲十寨立長官司并設守備練兵坐鎮守禦以黃昌等爲之而敕蕭紳陸雲騰充土舍名目聽守禦調度更陞古田縣爲永寧州

條善後十二事議行

府江有兩岸三峒諸獠皆屬荔浦延袤千有餘里中間巢峒盤絡為獠獠淵藪于是江上諸賊皆倚借為黨援日與府江酋長楊公滿雷公奉黃公東等奪荔浦坊郭平樂樂山及峰門南源諸所執未安知州楊惟執殺指揮胡瀚千戶李可久周濂鄧尉二土舍岑文太學黃文堂及兵民無算而遷江之北三來賓之北五皆若江獠亦時時與東歐西里及三都五都諸賊相倚附馬多人勁俗號為剽馬賊常陳兵走嶺東掠三水清遠諸縣還入南寧平南武宣來賓藤貴劫

蠻司合誌 卷十四

九

府庫已而劫來賓所千戶黃元舉家產殺土吏黃勝及其子四人兵七十餘人又殺明經諸生王朝經周松李茂姜集四人自是之後白晝皆劫殺道左有南四逋魯韋明甫及其子十餘人亡抵右江鹵武宣諸生米如銀焚大盧七村及博樂二十一村劫驛遞佐史周于義所持文牒而殺其人隆慶六年兩江守巡劉穩沈子木告于巡撫郭應聘總督殷正茂奏請督官軍進勦遂以李錫為將軍十道並出雜徵東蘭龍英泗城南丹歸順諸土兵而以上吏韋文明等統之攻古西巖曰笋山古造及兩岸黃洞古摺糯洞斬獲

賊渠楊錢甫黃公護袁整沈婆鄧琶婆盤賤婆鄧郎
等餘黨竄入仙迴古帶諸山疏捕殆盡乃移檄北三
北五趣其歸降會峒老法真等司原鹵來賓遷江
民象演蒙葛眉詣兵備請命許之乃爲定善後六策
以聞前是荔浦之峰門南源修仁之麗壁未安之古
眉諸邏司爲諸獠所奪至是議改土巡檢其官目必
推擇有才武者給冠帶管事滿三載稱職始襲世世
勿絕乃于東岸水陸復麗壁市而與廣運足離爲一
軍軍二千人備平西嶺鐵匠坡仙家冲于西岸仙迴
復古眉而與高天冲口爲一軍軍一千六百人備陸

雙司合誌
卷十四

十

內六章于龍頭磯爲一軍軍一千人屬漢官備馬尾
田冲黃牛及三峒于上峒占西復峰門爲一軍軍一
千六百人備羊厄峰門盧仙大喃兼視中峒于下峒
東練復南源爲一軍軍一千人備大宅東瓦皆屯田
月食餉人三錢而歲以衍萬戶或千戶百戶一人兼
視邏事稱職者得世守其地是時左江以溥梧叅將
一人募兵一千人而邏司桂平諸軍皆屬之於是西
岸通五道自昭平明源洞以達仙迴自仙迴達古蘇
直走未安又自藤灣達馬尾象磯自象磯達田冲直
走平樂又自龍頭磯達大嶺上下兩洞而東岸自昭

平達水產自水產達平西邏山及十三屯自平西邏山達平樂又自深沖達桃嶺兩岸皆孔道復以府江地遼濶置縣于平樂之昭平名昭平縣屬平樂而割富川之二五都賀縣之昭賢鄉下半里上半里及仙迴土司隸之每歲得賦糧三千六百八十零石

懷遠爲柳州屬邑在右江上游旁近靖綏黎平爲諸獠所竊據隆慶末以大征古田懷遠知縣馬希武欲乘間築懷遠城名獠老加仲才論之仲才唯唯希武乃以撫牒移督府敢守巡李文績等行縣希武先誅茅爲廬然後次第建城郭衙舍倉獄且與槁黃大地

續詞合誌

十一

太平河裏諸獠約于築城時當以三十金擊牛酒爲犒及城工過半諸獠請牛酒希武弗與諸獠以食言微詬而去當是時諸獠常以易米至城下城下諸役夫謂之曰以汝等作賊故累我與築築成必盡滅汝等而後愉快諸獠因疑畏有畔去意而希武政尚嚴急盡罷戍堡軍趨各隆起兵登城躬騎馬走城上且暮鳴金鼓砲聲如雷諸獠愈自疑以爲役夫言不謬口語藉藉會希武行城上巡視蒼頭廬兒方響呼夾戟而馳獠人有雛童來望見希武不知避左右呼之曰走童勿走希武怒強縛而箠之童死諸獠譟而起

合繩坡頭板江諸峒凡數百人皆露齒瞋目如猿猴
然由北城踰入殺夫走希武及經歷余冕典史陸錦
等出禦敵皆中流矢邏司鄧元戰而死希武乃棄印
遁隆慶六年總制殷正茂請勦遣總兵官李錫泰
將王世科統官兵會長安鎮賊乃約猪肉田寨蕉花
諸獠治舢舨百艘大入石根傘頭諸村村人鑿戰于
平琴洲官兵鼓行至板江與諸村約自東崖直擣懷
遠會大雨雪不能進有村人朱萬世得縣印來獻而
猺賊皆至自貴筑及黃土校團矜獠據險而守所至
羊腸鳥道不可卒度又道止多獠巢常自言阿猺但

蠻司合誌
卷十四

十二

守家漢當奈我何時正茂訓知諸獠獨畏未順鈞刀
手及狼兵乃以羽檄三道移所在巡撫於貴於湖於
浙徵鈞刀手三千人烏銃手五千人狼兵十萬人會
巡撫郭應聘布政司楊茂等先遣使招白果黃土青
棋大梅諸獠趣使歸降然後擊太平河裏四港牙寨
槁黃大池晏江澤諸村當是時東岸則板江楊梅西
岸則坡頭河源皆助猺爲虐而古田上宋酋長韋狼
要亦與其弟韋狼金齋右江五都招致諸劇賊爲黨
援官軍乃分爲七道四面攻入諸獠以木石塞江灘
望官軍甚盛皆反踵走遂拔木毀石火破之連拔丹

陽蕉花中團田寨古立洛果火燒合水諸巢斬酋長
榮才富吳金田等賊棄旂走追至大稔天鵝二嶺破
七團四寨腮江巴峒諸巢生得酋首陸扶羊斬王伯
牛爺等奪獲風紀輯覽諸書及鶴頂榆木黑花帶皮
印囊諸什物進破八寨斬榮田師等前後斬捕凡三
千三百四十有奇俘獲男婦及牛馬什器無算事聞
於是東岸北岸屬內三甲河裏太平南寨屬外三甲
四港東溪波浪塘坵屬武洛洞人猛團七團屬韋單
二獵人桐木火燒洛溪合水及三門洛果屬上猺籠
郡鄧勇尾屬中猺籠槁黃大池屬下猺籠坡頭田寨

蠻司各誌
卷十四

十三

及板江河潯大田蘆屬浪溪獐人河潯蕉花屬背江
獐人前是諸當事議兵防欲改萬石宜良丹陽爲土
巡司已欲加守備一人已又欲于永福加海灣堡屯
兵二百人古鉢堡屯兵三百人毛峒堡屯兵三百人
於臨桂加傘山堡屯兵二百人於陽朔及大水并田
金寶頂爲一堡屯土兵五百人而里定羊骨遇龍翠
屏諸堡皆加兵爲壘且耕且守故事東蘭南丹那地
歲出土兵三千人更番戍會城自古田發難後議改
思恩鎮安田州而思恩等不欲曰我已梧州之役
何以重戍我因改鎮安及湖潤爲一年思恩及田州

江州上峽下雷爲一年年出兵三千人以四年戌桂林而泗城及歸順都康爲一年向武奉議及上林爲一年思明及思明州邊隆峒爲一年龍英及忠州爲一年年出兵四千人以五年戌梧州

韋狼要永寧獐也與鳳凰獐黃銀成有隙相讎殺常安邏司欲窮治之狼要乃椎牛遍召永福陽朔碎江諸獐攻圍鳳凰理定大水田射殺千戶章繼宗合右江荔浦山灣諸獐稱亂會指揮徐民瞻兵捕服道左執狼要而諸獐大誼總制殷正茂巡撫郭應聘乃檄徵田州向武都康諸土兵凡七千餘人屬叅將王瑞

樂司合誌
卷十四

十四

叅政吳一介進勦斬廖全鑑廖全蓋韋銀花韋狼化等凡一千三百三十八級俘獲男女八十一人牛馬四十五頭器械九十五繪畫黃衣一襲當是時又有韋朝義者

萬歷改元洛容知縣邵廷臣以歸養去任會比元夜主簿謝漳行縣事單騎巡徼萬山中獐酋韋朝義統托定洛斗古底上油諸獐夜半出掠遇漳欺其人寡曰此可禽也逐之迨至城賊僅六丈不下二十戶諸獐鼓譟入竟殺漳奪縣印去是夜指揮朱昌亂土巡檢韋顯忠竝提兵決戰斬賊三十一人裨將文斌獲

朝義單三官等已奪還縣印而終以殺漳故守巡莊
國楨沈子木李文續上變命總兵李錫叅將王瑞康
仁等剋勦歷破古底上宋大蠱天心塘托定洛斗上
油上良里廂諸巢生獲單金鉢陣斬單金倒單銀郎
陶狼金陶狼漢等凡二千八百三十餘級俘獲二百
二十人牛五十五頭器械二百六十有二書籍五冊
關防一顆自殷正茂以下皆詔賜有等其後大屋諸
村殘獍黃朝貴黃金鼎復合融縣陽老柳城上油諸
曾單金磊等號萬餘人聲言欲入富福鎮而王世科
引兵擊破之斬黃金鼎等事遂定始洛客在萬山中

卷四十五

十五

城小迤北依山無雉堞縣官皆寓府城以爲治故知
縣余涵請遷城于白龍窩約費四千六百兩不果至
是謝漳往就治而遂及于難

岑溪潘積善度岑溪地勢左近羅旁負臂三面自僭
號稱平天王與六十三山及六山七山諸獠犄阻山
公行居民請進勦會大兵征羅旁不暇及總制凌雲
翼先以檄曉譬積善積善喜願歸田輸賦得比編戶
雲翼令知縣葉詩馳積善所驗田賦具如所請乃貸
其死且以其子附學官受書常是時七山爲蒼藤信
地六山爲容縣北流中衝北科爲六十三山咽喉懷

集爲賀縣諸村出入之所因立五大營營六百人合
得三千人。人月食餉一錢二分。推擇指揮使五人爲
將軍。每季得餼廩三兩。皆仰食梧州兵餉。中且治大
峒鎮城一百七十餘丈。外城二百四十餘丈。設叅將
館舍及屯堡三十墩。墩二十有二。開赤黎至馬嶺北
科平河諸路七十餘里。墾連城鄉田七頃有五畝。北
科峒田一十四頃一十七畝。徭人歸降者四千二百
七十一人。雜募耕兵。年月等八百人。給牛種。月四錢。
自四月至九月。如是三年。始計畝輸賦如例。

續詞合誌
卷十四

十六

出嘗百十爲羣。曾弒土吏黃勝。不治。萬歷六年。公柄
名韋三層。韋三丈等以二千人出命鳳山龜籠塘。與
河塘韋宋武傍江結壘。方是時。義寧有韋總管。韋千
里之獍。末寧有黃河平。黃明虎之獍。末福有廖勝。朗
良快之獍。羣相呼應。殺商人李回及新民黃銀花。道
路不通。會啼咳寨藍公潺。執土吏黃如金。奪其土司
如金以狀告。巡撫吳文華。檄分守吳善分。巡陳俊徵
求順白山兵及狼兵。馳大岩上下。橫山啼咳諸巢。大
勦之。諸獍請還所戰地。及被鹵生口。願輸賦爲良民。
而後官兵及狼兵稍却。嗣此亦鮮有敢亂者。

右江十寨爲思吉周安落洪古卯羅墨古鉢古憑都者龍吟布咳隆慶中總制殷正茂擊破古田卽以檄趨八寨歸降得貸死於是寨老樊公懸韋公寔石公慶藍公略羅公印黃公邀等踵軍門上謁身言十寨共一百二十八村環村而居者亡慮二千一百二十餘家而右江兵備鄒一龍叅將王世科賓州知府吳泉謂十寨旣請爲氓當以十家爲率賦米一石凡二百一十六石七斗亦得輸銀米石五錢當徵銀一百八兩三錢五分宅若火竈差銀戶一錢凡二百二十有奇然後村立一甲長寨立一峒老爲徵賦計而以

續司合誌卷十四

十七

思古周安落紅古卯龍吟立一州屬向武黃九疇羅墨古鉢古憑都者啼咳立一州屬那馬黃賜皆爲土知州已移思恩守備于周安堡有成議而布政使以爲於法不便當立二長官每長官各提兵千人以琴水橋荒田南丹衛屯田賦糧作兵餉不足則取三里魚峰巷賢堡兵餉二百五十兩不足則取樊公懸等約戶每加三錢伍分歲以爲常復召三里十冬三潮峒老卽度田因開立墟塲以通思恩慶遠武賓諸道然後建社學請以義勇蕭紳爲千夫長黃昌陸雲騰爲百夫長姑與冠帶俟三年稱職爲眞而兵備霍與

瑕又以爲八寨故不甚廣當陞爲州而使黃賜提兵
六百人守之龍哈哱咳則立土巡司而徵安定兵二
百人付黃昌備龍哈徵興龍兵二百人付章富備哱
咳卽以守備移鳳化城黃村卽與黃賜並得調度二
遷使其後總制竟請八寨爲長官司而以兵八千人
屬黃賜爲長官而黃昌章富皆給冠帶爲上舍亦各
引兵二百食二寨如約居久之十寨復聚黨萬餘據
人田產白晝入都市剽人而奪之金甚至攻城略庫
戕官殃民六七年間盡失樊公懸舊時所約於是總
制劉堯誨巡撫張任急統兵盡勦諸寨斬首捕酋凡

續司合誌

十八

一萬六千九百有奇奪獲器械三千二百牛馬二百
三十九頭上乃陞賞并論諸土吏功復分八寨爲三
鎮各建一城而以東蘭州韋應觀韋顯能及田州黃
馮充爲土巡檢得比古田例留兵一千人戍之至三
里舊屬上林之循業與撫安古城久爲賊巢今改屬
龍哈哱咳其下增建二堡請自楊渡水爲界盡作墾
屯給南丹衛通道慶遠賓州使思恩三里聯絡不絕
而于是右江十寨皆安戢輸賦如故

西河合集

蕭山毛奇齡

字僧彌 又字十 稿

宋世昌伯屏 姜公銓山啟較

蠻司合誌五

兩廣 四

韋王朋者馬平僮也。初平馬平時因建營堡使土舍
韋志隆提兵往屯其地。王朋視堡兵如仇讎。常率東
歐大產諸酋要挾營堡分守。彭應時兵備周。浩使千
總往撫。竟殺千總。會縣官度田。王朋復無忌。反為阻
撓。甚至白晝劫村落。官軍相視不敢捕。于是總兵王

蠻司合誌 卷十五

尚文請于制撫劉堯誨。郭應聘統兵攻勦。大斬獲。盡
俘其男女牛馬器械。而後返。初馬平僮常請鄉大夫
之託。以佃丁莊戶。浮沉閭閻。而鄉大夫亦親入寨峒
交錢財。課租責息。出入縣庭。以致生變。至是兵尚書
梁夢龍請著為令。令監門各立門籍。加譏察。所與僮
僮通。而因而致富者。即以其財產沒官。詔可之。
大峒三寨女土官角鹽無子。自以土官娶寨女。老上
沙為婦。將禪印與老上沙。有年矣。前此湖客尚那功
曾客三寨。與老上沙通愛之。許娶為婦。嘗為詩曰。作
客留中寨。尋春到北沙。穠苞和露吐。思煞洞田花。時

右江郎火岑爵過三寨屢欲奪老十沙作郎火配不從也。至是尚邦功入廣西補按察幕官聞老十沙爲三寨土官角鹽所娶大憾誣角鹽以罪提之對簿則公然婦人也。于是釋角鹽而陰鸞老十沙爲婦去。天啓六年角鹽死併大峒三寨于波羅里與床甲子甲張駱四巡檢皆就裁焉。

高江諸徭皆出自大小桐江及大小亮村旁近猪頭三妹平峒諸寨與假羊大窰往來爲奸遠近逋逃者皆亡抵其間隆慶中常征之至萬歷改元酋長盤宗明犯邊邊吏執殺之亡何諸徭欲報怨乃乘風縱火

卷十五 蠻司合誌

燒大結堡明年值大比舉士鄉書因郵置以進行至小輩灘諸徭劫略之無遺居二三年復大入猶巷堡轉犯小結灘奪商鹽會平樂兵變諸徭遂窺隙大起擁衆走貓兒堡潛伏西岸大桐江與千戶李夢龍百戶劉卿及廣運堡哨兵廖四等鏖戰殺劉卿諸軍多溺死於是昭平守備陳邦佐與貓兒堡哨官陳珊移兩江兵備使葉朝陽郭棐請于都御史吳善先以會城標兵二百人馳高江而救總兵呼良朋徵許尚惠岑瑩諸土吏兵會勦斬獲賊渠李爾保等梃聞墜賞如例先是把總陳賢往歸順汪天寵往九司及那馬

定羅徵土兵索取折度鞍馬諸類亡厭而都護孫世寶提泗城東蘭兵備三木卯村反使東蘭兵託名搜賊劫殺村市于是御史黃鐘劾奏上以世寶等下御史逮問凡調兵進兵需索諸弊皆繩以文法使不得逞自是歲始

嚴秀珠者懷集獞也與車廷惠諸酋雄據一十五寨環四面二百餘里自上世爲州縣患正德中官軍屢討之歸降然盤互如故時懷集有金鵝松栢龍壙瑁七諸酋賀縣有大灣磨刀深瑁佛婆企坳黃沙諸酋開建有水細白蓮諸酋往往相結起公行劫略常與

盤司合誌
卷十五

三

流賊陳龍州破州縣殺百戶朱裳萬歷初約懷集民高雁梁高庫黃遂梁元珠謝生等十餘人殺把總羅定朝與賀縣叛賊蘇應曉金敬李川庄略樟木寨梅花峒殺居民金氏數人久之秀珠失耕牛伴爲報怨擊鮮造釀聚黨數百人走開建封川略寧峒蔡村耕牛二十五頭殺九人鹵七人還是時村落畏秀珠甚皆東西遁走獨西村寨鳴銃砲如雷擊賊死數人于是開建知縣范調元蒼梧知縣李自巽移守巡管大勲來經濟使懷集典史陳濟提南龍鑼鼓營兵追逐生得鄭安梁三羅黎保等遂請都御史吳善檄兩廣

總兵戚繼光呼良朋徵兩廣官兵及羅定東西山泗
城郭康諸土兵分爲五道命叅將戴應麟等擊金鵝
松栢埔七諸寨斬秀珠韋胡通等進破深涌佛萎龐
涌白蓮黃沙龍塘大灣磨刀企勒諸寨斬區世奇韋
亞養歐福正等奪獲牛馬器械無算餘賊悉奔青水
尾鐵帽古婆大山飯甌涌諸寨復進破之斬鄧仕蘇
運進等于是銅鐘牛欄丁口約四百人俱踵懷集縣
庭中叩頭願爲撫民從之上乃爵賞諸有功而安輯
諸寨時叛賊李用庄久闕匿羊橋峒不出至是峒老
亦縛獻軍門梟示無敢抗者

鹽司合誌
卷十五

四

思明土官黃武崇于國初歸命給府州印各一以長
子黃忽都爲思明知府次子黃均授爲思明知州忽
都數傳至承祖均授數傳至泰則兄弟也泰有七子
長子恩詔次子恩錫先後死遂以三子恩隆行州事
而奪兄恩詔妻趙爲正妻次兄恩錫妻黃爲次妻黃
同姓實承祖姊也趙生三子長拱極次拱宸次拱闕
黃生二子長拱廷次拱聖時州印貯太平府庫萬歷
八年始以從征功給印子冠帶第恩隆寵黃甚慮他
日拱極嗣印當予拱極因謀之承祖預書拱廷當承
襲于鎮印券內而復以承祖曾侵其田土如黎龍白

鷓鴣蓬那橫那煉諸村索清還不得與兵與承祖仇
殺遂大悔謂承祖實憾我他日豈肯爲我子孫計久
遠會病瘵大書遺命取族目恩祐黃冕及州民舉結
悉付印券與拱極而恩隆遂死旣而承祖謀釋憾拱
極與兵入州仍索還向所奪村寨且以立拱廷爲名
與拱極搏戰拱極勢不敵請于都御史吳善御史黃
鍾願遣他官行州事而以指揮楊桂芳往鎮其地亡
何拱廷得喉疾承祖視以醫其母黃及婢金蓮的臺
親奉藥餌竟不起承祖與黃揚言拱極醜弟拱廷死
不法當奪襲與弟拱聖提府兵來州以黃受周佛爲

卷之十一

五

左驢執拱極及弟拱宸索州印會楊指揮至拱極託
言印在指揮所承祖叱農二僮指揮衣裸之實無印
于是鏢土吏鄧鏤于柱鞭之百使供所在而以次裸
拱極妻許拱宸妻趙乃得印許衣間奪于拱聖去釋
弓絃勒殺拱極并殺弟拱宸拱闕及母趙以板盛拱
極與母屍而縛拱宸拱闕屍以蔑燒灰播江中拱聖
挾印擁大蓋陽陽爲知州論功陞土兵鄧寧農二等

爲哨頭而罰恩祐黃冕金遂繫拱極妻許拱宸妻趙
于獄察二氏有身以鄧鏞繫兩手高懸之欲因而墮
棄其腹時南寧太平移左江兵備請于都御史吳善

下兵備統兵逮捕拱聖奪印封府庫會許生一子名黃世延許之外家并訴于都御史都御史敕釋許并世延使外家領去而逮捕拱聖赴太平府對簿時龍州江州龍英太平全茗恩城諸州及下當上映諸土峒皆發憤爲左驗乃坐拱聖死而以印封太平府庫令世延襲職其母許代爲官且令太平諸生黃恩承上目鄭鏞輔之俟世延長給印當是時南太二府議請以州改隸他府而黃冕等以本州賦稅故輸南寧隸南寧府便及事聞廷議謂思明去南寧四百餘里去太平百里當屬近者于是斬拱聖思明市襦黃承祖

禮司合誌卷十五

冠帶而以思明隸太平如初黎福莊者平樂上四屯酋長也其地近樊屯通廣東大羅山隆慶中福莊常與男黎天龍召諸獠大略富川并橋及鍾用盾寨已又略霞江龍眼寨萬歷二年遂與獠人韋六哥等大寇鄧塘廖屋村因圍石面山執歐舉人索金錢贖還會富川割三五圖賀縣割昭賢鄉建昭平縣福莊伺隙約下四屯酋長周沐湘韋方相等及大羅山流賊千人直走賀縣桂嶺邏使李廷暉提兵邀擊賊少却走大桐江而是時白冒與五指崑險阻可守正在嘉靖間常征討弗克以故會

長盤福成專爲保姦而福莊依之且合昭平諸民屯小偷擊牛洒揚兵突犯府江會指揮何伯堂行縣聲言度田州出不意驟執福莊于廣運堡復與攻軍門乃遣使持檄招示天龍有如捕韋方相韋六哥來獻得除罪弗治天龍不受命且結壘土龍村糾樊屯諸獍抗戰時都御史吳文華救徵向武常安福祿土兵募遷江民兵屬守巡陳應春沈子木等統指揮進勦破其洛容荆峒北賽諸巢而後環白冒五指斬獲甚夥獨天龍轉戰不已終遁去追捕無有越六年平樂通判朱應辰議請立土司于賀縣里松八峒而以把

在司合志

二

總黎那伯往臨之且立堡于江華隘口設兵五千人以鎮其地詔可于是天龍置勿問而其時有黃那緣者

黃那緣鬱林酋長也其巢近北海廉州合浦銅鼓諸屯自上代爲邊疆患成化中曾擊破其巢至萬歷初生齒日繁嘗與北海酋長黃章第椎牛與諸獍約合五六百人竝馳木頭木綿大坡羅克金頂樟木諸村鹵略人民畜產縱兵焚廬舍去乃復招集城隍諸山反狼而竄之博白沙田之間大人寇興業諸縣兵巡王原相告于總制劉堯誨徵七山六雲北科連城指

揮李汝賢等提營兵及戍梧士兵五屯旗軍先後環至邦緣見官兵盛自度勿能敵皆遁匿故巢于是屯兵興業橫州烏蠻甜萊橫石磯索鬱林道上先獲驕梁善富黃四覃全諸寇然後分軍塞諸隘以討禽邦緣等雜破木頭城隍石礙塘表峽峒銅羅諸巢而諸賊盡平

羅旁諸徭者盤瓠裔也在嶺之極西與雷廉相接周一千五百里多林木巖洞自晝冥晦徭生長其中出入跳躍間亦自迷所歸往但以峒姓爲別號峒徭偶遇征代輒走他旁寨闕匿且多兼名如孔子成曰孔

蠻司全誌卷十五

八

紹太麗力主曰麗公定麗勝龍曰鄧勝龍弟毋闕匿亦莫得別識又四方亡抵于巢者號浪賊爲徭耳目峒長鳳三舍陳地平盤大面倡亂殺人奪旁近田宅殷正茂爲總督議討之會遷去不果繼以郭守乾進兵行至隘口逡巡不敢入乃遣使撫諭徭浪多就撫者因名降徭曰良徭浪賊曰撫民然旋撫旋叛官軍時入其藤蠟蜜漆砂椒之利爭相掩匿居民受害者訴下跡捕不可得反有縛而沉諸江者萬歷四年總制凌雲翼赴官度此屬非用問不可乃以便宜擇衛所官十人奉檄以往約令願降者皆詣招撫使白占

姓名書于冊招撫使得窮其根株窟穴所在始集衆將議皆曰猺峒荒昧難用兵且兵力不敵時一老軍請言事進曰猺所畏惟狼兵徒以調至不給賞使自捨略故無功若先賞而鼓其勇猺不足平也從之請于朝乃徵狼兵十萬人浙兵五千人合土兵凡十五萬人于肇慶設靖夷道起副使李材洩之張元勳總兵是時東山則有富祿之險栗子之險羅石之險攬凹之險富林之險雙洞之險灣口之險西山則有都門之險古芎之險鳳凰之險雞籠山之險兵分十道偏將朱珏軍羅旁劉天慶軍瀧水陳璘軍信宜王瑞

軍岑溪楊瑤軍宜春陳典軍新興倪中化軍德慶黃允中軍伏峒徐天麟軍南鄉侯熙軍茂名叅政沈子木趙可懷周浩等兼監軍督餉下令狼兵斬一級者賞銀一兩皆大喜赴鬪甚力自四年十月至明年三月諸巢悉定凡破五百六十四所斬一萬六千一百四級俘二萬三千餘人降者六千四百餘人奪還被鹵者萬有餘人捷聞先是瀧水縣斗絕在東西山之中孤懸賊巢設一千戶所僅供城守瞭望之用至是陞爲羅定州設神電衛且于東姜峒設東安縣西山大峒設西寧縣東安南六十里曰南鄉又西南一百

里曰富縣西寧東南七十里曰封門又南一百二十里曰函口設一守備兵一千二百人往來巡繳改嶺西巡道爲兵道駐羅定州堽雲翼右都御史張元勛右都督告廟宣捷至七年東山浪賊誘撫徭與西山岑溪及六十三山七山諸峒賊及逃卒亡慮千餘人犯思慮燈心大傘諸營殺哨官張文明丁天祿等旣又犯封門所僉事侯應璧引把總五科擊破之斬首捕鹵二十三級於是御史龔懋賢以其狀請及明年巡撫使使者齎新印至州州遣典史梁有達還送舊印行至道州賊邀殺典史奪其印去故事自南江至

發司本誌
卷十五

十

石狗營屬東山自石狗營至連灘屬西山而以晉康巡檢使巡繳江上皆以辰時發舟至是失事自守將以下至巡檢使均坐劾叅將陳璘請戴罪立效乃與朱文達進攻石牛青水諸巢斬首三百六十六級鹵獲器械二百五十有二奪還州印此皆紅豆鐵塲餘黨曩所未撫之寇也璘遂留鎮羅定兼備東安西寧二縣未幾部下九百餘人忽走江上奪舟遁去蓋裨將侵漁而撫民江子德等憤而爲之倡也行至清遠所過鹵掠璘遣兵龔執子德等斬之餘皆歸降至十一年東山建武安王廟長春寺璘調營兵三百人充

役且令各出金錢以施時正月積雨役者多怨適後營隊兵由白眉峒至右營隊兵由南山至並轉水東門飲醉略商民米菜哨官劉一鸞譙責之營兵執鸞杖幾死遂反東安知縣陳公大從城頭撫諭不聽鸞率兵追及斬首惡黃玉及其黨百人餘逃入賊寨糾合撫猺及守備歐泮所部叛兵並竄廣西劫陸川北街璘復擊破之斬八十四級御史梅淳誣劾璘虛冒軍餉激變力辨得白乃復擊餘賊斬二百餘級時總兵戚繼光方至亦在軍

蛋戶在雷廉間盜珠爲生其酋長不一有蘇觀陞周

卷十五

十一

才雄爲二酋其先皆安南夷嘗欵石城寨願爲臣僕因得充蛋戶阻烏兔多浪爲險招致大賈侵禁池盜珠禁池兵衛故甚設蛋自度不敵乃陰集四方亡命出劫前此酋長羅漢卿阻中路港諸偷襲殺之於是他酋會國賓以三十艘入海康萬歷改元犯北海明年犯上村至四年犯合浦寇頭嶺五年犯永安還入太廉角旣而悔禍肉袒請歸命其七年佯爲珠商所迫鼓棹而入于海因犯南板村殺周英擒林一嶺西兵備使招之降復降是年觀陞才雄亦以十八艘入合浦犯乾體村斬蛋民林三焚殺男婦六人其後又

犯安南未安州官軍逐之急仍遁還烏兔烏兔北枕
高山南濱大海可爲窟穴乃採大木十圍以上者建
屋居令部曲相保爲塹壘聯校木柵開東西二大門
而封之獨啓南一門而海通出入誠門者勿輕啓凡
啓必張旂志鳴金鼓笳吹閉亦如之夜用邏卒數十
人銜枚擊刁斗道上至日出乃已已乃椎牛饗諸賊
治舳艫三十艘出海九年犯斷州當是時斷州去未
安所近有百戶張祿備白沙哨千戶田治備濱海哨
皆援旄擐甲出戰祿攻其東治攻其西治長于擊劒
橫行諸蛋中諸蛋中當之輒創顧佩強寧赴水死勿

卷十五

十二

受創以故劍所及祗斬九級生獲林細武等八人而
餘死于水自是之後蛋人自以爲勿及也無何蛋中
亦募善擊劍者出指治治久易蛋不爲意蛋倉卒圍
治治及兵士王致祥皆身受創死於是都司陳居仁
廉州推官汪堯卿引白鶴寨兵追逐斬吳三等數級
觀陞陽陽令榜人擊鼓還寨復突入東山殺軍人鄧
邦進吳得賢等嶺西分守張明正海北分守陸萬鐘
及分巡徐時可薛夢雷請于總制劉堯誨遣樓船軍
以二十七艘爲西哨把總李如桂統之以二十一艘
爲東哨指揮文濟武統之且分兵斷其走路賊度勢

不支聞大兵至夜半從欖樹港逃之井村官軍追之
生獲蘇觀敬陳鷹爪等一百一十九人保姦李志岳
等二十一人及再追生得蘇觀陞蘇觀祥等七十二
人保姦王延幹等一十人是時大風從西南來蛋舟
多湛溺死者無算而前後斬捕不下四五百人諸蛋
狼狽有林允厚者倡曰與我散蛋死曷若聚蛋詣軍
門唯將軍命之之或尚有膽蛋哉衆曰諾獨曾長陳
泉不從諸蛋乃縛泉及蘇三等獻將軍將軍赦之而
周才雄者別爲石城將所獲衆皆定其後梁本豪復

亂

梁本豪者亦廣海蛋會也先是海賊會一本稱雄海
上豪與馬國政陳世元誘一本入城一本死豪竄于
海曲賊黨漸集乃有梁本明馬本高石志和布尚
諸會合千餘人往來波羅香山三水東西海日夜習
水戰所制艤艖或八櫓或十櫓不用榜人諸蛋自操
濯乘風盪波濤中條若閃電一旦有緩急輒走入水
水不能爲穴俗號人獺其族女子勇倍于男男少時
臂力反過于壯者以視海上官軍一可當百官軍逮
捕卽百不得一第捕急則山中編氓爲保姦者往往
藏諸偷于家深闕之官軍在門門中無老少男女皆

出視堅稱此門中無盜不稍開口前此海賊誘倭奴入寇頗得利木豪既束結倭奴乃復往西番交歡林道乾約寇會城總制陳瑞御史羅應鶴與布政李江按察趙可懷等計議謂木豪會殺千戶濮漢典史林煌鹵執通判駱秉韶等情罪重大且復與倭奴林會相依爲奸此不可宥請復廣州標兵治戰艦進討初漁人楊玉在長沙港見倭操舟人不滿八十旣而漸衆則皆海上人無賴往附之者故海上俗慣造烏槽橫江船因緣爲利頃以徵稅苛報罷海上人無以爲資皆闌入倭舟總制乃移總兵黃應甲令先逐倭舟

續司合誌卷十五

十四

倭舟沉溺不敢前時諸蛋方劫略沙頭鄧氏執其男婦索贖金指揮徐瑞陽住老萬備倭把總張容正住虎門叅將楊爲棟白翰紀備外海游擊沈茂指揮王權備內海分守周之屏同知朱一相營居中皆令乘白艚大艘不足則借及漁艇分道竝出鏖戰沉賊船八十餘生獲木豪等一千二百餘人俘獲三百餘人斬首二百六十餘級聽撫者無算凡倭番土人之在蛋者皆殲之然後奏捷告廟論功賞如例馬人接馬而生猶槃狐之接犬生也其族壽嫪偉人道如馬然天啓中有馬都子者願輸賦與日本貿易

竊載曰本女二人還寨聚族帶淫之二人不勝死而棄諸海日本佔過儋州聞其事于國國遣兵駕戈船一隻向都子問罪都子懼時浪民歐球通洋去留母妻女婢在寨都子出球妻女并婢合四人倍償之適球客曰本見妻女大恨向日本乞贖而身背日本兵百人殺都子寨殆盡海防守備聞于撫撫不問一云馬人卽漢伏波將軍馬援之卒逃海傍者歲久成爲族冒馬姓以食屨涎水瀉墜故每豐下體而無毫毛居平以捕螭爲業韓愈詩有云龍戶馬人是也龍戶卽蠻人一名崑崙奴以舟爲家能入水三日舟人以

蠻司各誌卷十五

十五

繩繫其腰繩動則緣繩起或爲蛟龍所害則有血一縷浮水上曰蟹死矣顧其族分三種能入水取魚者曰魚蟹取蠓者曰蠓蟹入山取材者曰木蟹木蟹不入水但編蓬水際居之近崖州黎岐瓊州鳴上蠻也相傳有女羸居感南風生蠓故其地有黎母山而卽以黎名其又名岐則詩蠃有析居五指山者五指者岐也第名雖有二而總爲一黎其歲時輸粟縣官者爲熟黎否爲生黎皆環山起巢寨而生黎居內熟黎居外其山在瓊萬儋崖之中高峻出霧靄中久晴海氛清廓黎人時見翠尖如浮空

中然山水分流而下惟熟黎分隸諸州縣耕作其地
供稅役生黎所居絕遠外人不能跡不供稅役然至
于山巔雖生黎亦不能至也黎性慳悍兒能引弓習
矢少長則射麋市皮于漢取利其力田不耕以牛蹄
土而糞以木葉出入弓矢不釋手雖燕飲亦然弟見
漢火器則遁走不反顧自尙主以下咸采葵葉爲屋
有如窩棚富者乘馬鳴錙貧則不魁結蠻服飾以毛
羽女子皆跣足獨刺面爲花文耳環禪一筒年壯弁
置酒會鄰侗春時鞦韆亦如之凡男女出遊歌舞呼
茗名曰作好設有相竊成婚者父母勿禁但以牛馬

之多寡爲婚禮厚薄顧勤女紅得漢綠帛折色絲鞞
和吉貝而織之爲花所稱黎錦黎車是也其地產沉
求黎初不識廣商闖出財物公請爲賈名曰香子然
黎之爲亂則實廣商多導之在唐爲瓊管之地宋紹
定以後黎人王氏往爲寇屢起屢滅元至元間將軍
朱斌捕得生口二萬三千八百三十一有七峒六百刻
石五指黎母而還高皇帝平廣東獨深峒生黎不至
海南諸將軍並稱兵討之爲立土舍然終不可羈縻
也永樂中大學生潘隆請往招黎上賜隆視知縣秩
使往諭之亡何黎人陳忠等果如隆指請朝見後成

化五年儋州七方黎符那南稱亂指揮使王璠發兵破之既而落窰峒符那推又亂副使塗棐又發兵破之至弘治時勦符南蛇叅議劉信獨敗績幸伏羌將軍毛銳率漢達狼士兵十萬出儋州賊大潰斬殺幾盡其後嘉靖隆萬之間又復倔強鹵千戶洮州判知縣殺丞史莫敢誰何萬歷十四年長田峒出掠兵備使執而戮之會草子坡諸黎喜報復召衆來寇戰于長沙營于是兵備使提兵出白禿嶺同知董志榮提兵出萬州訓導林立提兵出萬陵共斬首百餘級黃村田尾諸峒皆旬旬請降乃已初黎習馳射發三十

卷十五

十七

步內偶不中格輒謂漢人不當死其大言如此自稱阿弓神弓至是民謠曰弛神弓來歸降

